



札
樸

卷七
卷八
匡謬
金石文字



札樸第七目錄

匡謬

小學

引經



業

引取土

悔

重修說文

秀

亮

沙鳴

嘶

戴國

雉震响

妒媚

疏

蟄

萬物利

郇

麤

鏗

養之以福

左傳補注

逗撓

南陵沂水

潛水

音初

凌

窕

協洽

獠

霧

河墳

汝為瀆

攄

薤薤

白芷

莞

萋葉白

荻蒿

牡

糜舌

佳其

狗

竊脂

滴

階

鏗

癸

潛夫論

適

申池

項撮

連

駮駮

縈紆

貸

不內顧

寮

夔魑

藉田賦

百草含葩

熙春

鄆亭

翰

劉擔

骨母

滿

貢

水南日陽

宋書

鐵戈斬山

巾車

形天

散宜生

越鄂君

飾巾

啗惡

沙音蔡

駕

蝠蛇

肆

彼

蕩

李善引書

卉

認

慘亮

謂

庸峭

僱工

慤素

究

虞猛獸

操弓

跼

陶遂

駮

梅

僭時

鐵鉢

鐵幕

獸

誅

牂牁

扁模

餽釘句豆

粟秒

采椽

笏

陽稍

藍衫

櫺星門

叵

毛詩拾遺

集韻脫芍字

巾卷

胛

秦

唐

嶼

駮

陸

糠梁

止衎

裹節

搥

袞

觸龍言

齋速

府種

痕耗

女岬山

杜探

乖居

烏喙

楫柎

字母

掌技

焦衰

摻

羈

釋文引字林

魚泣津

褱

練

齧騎

憂艱

區種

王姓

辟姓

口占

棋蘖

高橈

榭

灘脩

騶鎗溜

鑿

札樸第七

匡謬

曲阜

桂馥

未谷



小學

古人於小學童而習之兩漢經師之訓詁相如子雲之辭賦皆出於此今以小學經學辭章之學判為三途經學不辨名物辭章不識古字吾不知其可也然其弊不自今始義疏起而訓詁廢議論開而辭章亾盡破古人之藩籬者其在趙宋乎

引經

古人引經畧舉大義多非原文如宋書彭城王義康傳引詩兄弟雖閔不廢親也引書九族既睦可以親百姓說文引書洪水浩浩此豈詩書之本文哉今人多據書傳所引以增改經文雖曰治經實亂經也可不慎乎

三國志注引易初六履霜陰始凝也說文引禮及左傳尤簡畧洪容齋引說文曰圍圍升雲半有半無以爲尚書逸文更謬案曰圍乃洪範之文其下七字許

氏解說

棊

說文棊惡米也从米北聲周書有棊誓兵媚切玉篇棊

鄙冀切惡米也棊音祕說文曰惡米也又地名棊同上廣韻棊惡米又魯東郊地名說文作棊棊上同馥案玉篇廣韻所引說文皆宋人重修據徐鉉之本玉篇棊字在粗下粒上與說文次第無異然則玉篇所據之說文從非不從北猶輩本從非俗從北廣韻從北又因北致譌也

引取土

說文桴引取也玉篇引作引聚也詩絲釋文云桴說文云引取土馥案取土乃誤分聖字爲二說文聖土積也禮運人情以爲田注云田人所桴治也疏云謂以手桴

聚馥謂釋文本作聖乃許氏原文玉篇改作聚詩採之
陬陬箋云築牆者桴聚壤土盛之以藁而投諸版中

悔

洪範曰貞曰悔僖十五年左右傳蠱之貞風也其悔山也
杜注內卦爲貞外卦爲悔正義云乾之上九稱亢龍有
悔從下而上物極則悔是外爲悔也馥案悔本作悔說
文每易卦之上體也引書曰貞曰每正義謂物極則悔
是直作悔字解矣易繫辭震无咎者存乎悔韓康伯以
爲悔過其誤與正義同晉語筮之得貞屯悔豫唐六典
內卦爲貞朝占用之外卦爲悔暮占用之此皆借悔字

康成鄭氏云悔之言晦也馥謂晦猶終也言上體終也

重修說文

元豐元年詔知禮院王子韶光祿丞陸佃同修定說文

今所傳小字本

在安邑宋
葆淳家

李燾據以作韻譜者卽元豐

重修之書雍熙本娃讀若回口迴切李燾本回作回口
迴切案爾雅釋文娃字林口頰反顧口井烏攜二反王
陸改爲回迴者據字林口頰之音也案郭景純於爾雅
娃音恚於方言娃音口類反乃知頰爲類之譌又因口
頰轉爲口井王陸不審輒易舊文又改耿炯省聲爲娃
省聲舛益甚矣

秀

漢諱秀說文無釋不知所從毛刻徐本篆作𦍋此誤也當從𠂔木部呆從𠂔云與采同意子部𠂔亦從𠂔𠂔三字楷書皆變從乃今遂不知爲𠂔矣又禿下云上象禾粟之形取其聲案禾粟與禿無意秀則禿矣後人因取其聲三字遂改粟以就之不知秀禿聲相近當作象禾秀之形

說文莠篆作𦍋皆因不知從𠂔故誤作𠂔又作𠂔

亮

說文論事有不善言論也隸變作亮魏志高柔傳昔仲

尼亮司馬牛之憂集韻謹就也韓詩室人交徧謹我案就乃涼之譌涼或作𦍋與就形近致誤

沙鳴

周禮烏麋色而沙鳴鬱廣韻沙所嫁切案老子終日號而嗑不嘖和之至也玉篇嘖聲破馥謂嘖沙音義同太元柔兒於號三日不嘖嘖當爲嘖老子俗本亦誤作嘖

嘶

玉篇嘶馬鳴也說文嘶悲聲嘶散聲馥案嘶俗作也南齊書蕭坦之語聲嘶時人號爲蕭瘞又張瓌傳宋孝武問太極殿前鍾聲嘶此二嘶字並當作嘶

魏書黃門侍郎山偉臨元順喪悲慟無已帝怪問黃門何爲聲散偉以狀對

戴國

隱十年春秋宋人蔡人衛人伐戴注云戴國今陳畱外黃縣東南有戴城釋文云伐載音再字林作戴云故國在陳畱馥案釋文爲人所改當云伐戴音再字林作載說文載故國在陳畱字林當同

雉震响

夏小正正月雉震响傳云震也者鳴也响也者鼓其翼也案初學記兩引此文竝云雉者鳴也震者鼓其翼

妒媚

顏氏家訓太史公論英布云禍之興自愛姬生於妒媚漢書外戚傳成結寵妾妒媚之誅二媚字竝作媚

疏

顏注急就篇紵織紵爲布及疏之屬也疏當爲練顏注地理志紵織紵爲布及練也

蟄

釋名下濕曰隰隰蟄也蟄濕意也馥謂蟄當爲墊墊下也下故濕

萬物利

六韜天之爲天遠矣地之爲地久矣萬物在其閒各自
利馥案利當爲列說文地下云元氣初分輕清陽爲天
重濁陰爲地萬物所陳列也

釋地郊外謂之牧釋文云李本牧作田字釋云田隰
也謂隰列種穀之處

郇

漢書地理志右扶風栒邑縣應劭曰左氏傳曰畢原酆
郇文之昭也郇侯賈伯伐晉是也臣瓚曰汲郡古文晉
武公滅荀以賜大夫原氏黯是爲荀叔又云文公城荀
然則荀當在晉之境內不得在扶風界也今河東有荀

城古荀國史記高祖功臣侯年表作恂索隱云縣名屬
扶風音荀故文王封其子之邑河東亦有郇城元和志
三水縣下云栒邑故城在縣東二十五里卽漢栒邑縣
屬右扶風古郇國也左傳云畢原豐郇文之昭也馥案
扶風自有栒邑縣與晉地之郇國遠不相涉諸家牽合
爲一失之惟瓚說得實

粦

廣雅粦麩也粦爲粦之譌五音集韻粦煮麩也鄭注天
官籩人云今河閒以北煮種麥賣之名曰逢案字本作
粦說文粦煮麥也讀若馮

鏗

樂記石聲磬磬以立辨史記樂書作石聲磬磬以立別
論語子擊磬于衛荷蕢曰鄙哉磬磬乎釋名磬磬也聲
堅磬磬然案說文磬磬一字磬謂器空皆非聲也當作
磬磬說文磬餘堅者與釋名聲堅義合

說文磬字訓疑有闕文

養之以福

成十三年左傳能者養之以福漢書律歷志養之以福
酸棗令劉熊碑養之以福惟德之隅宋書吳喜傳自昔
力安社稷功濟蒼生班劭引前笳鼓陪後不能保此者

歷代無數養之以福十分有一耳馥案宋書據杜本左
傳與漢本異

漢書五行志能者養之以福當據律歷志改正

左傳補注

王石臞給諫曰惠松崖左傳補注引字林藐小兒笑也
此本李善文選注毛晉所刻有脫謬一本云字林藐小
也孩小兒笑也毛刻脫三字惠氏不檢遂沿其誤

逗撓

漢書韓安國傳逗撓當斬服虔曰逗音企應劭曰逗曲
行避敵也馥謂逗撓當為逗撓說文逗曲行也綺載切

橈曲木

南陵沂水

漢書地理志京兆尹南陵沂水出藍田谷北至霸陵入霸水霸水亦出藍田谷北入渭師古曰茲水秦穆公更名以章霸功視子孫沂音先歷反馥案沂當爲沂正作游玉篇廣大也充滿也秦穆公欲以章霸功之開拓充盛故名游水後世讀游爲桑故切但主游洄一義遂不解先歷反爲何字矣師古曰茲水者師字衍文茲亦誤字當云古曰產水漑作產猶瀆作養產茲形近致誤視子孫下當有師古曰三字蓋先歷反乃顏所釋字音也

潛水

水經潛水出巴郡宕渠縣又南入於江酈注潛水蓋漢水枝分潛出故受其傳耳馥案出宕渠者說文作灑水經典借潛字書沱潛旣道漢志作灑又借洿字夏本紀沱洿已道是也酈注以爲潛水失之

音初

莊君述祖曰蔡中郎明堂月令論引樂記音初卽呂覽之意始意誤爲音也初卽始

凌

釋言凌慄也郭注凌懷戰慄釋文云案郭注意當作陵

埤蒼云凌慄也樊注作凌冰凍也馥案此多誤字以意求之郭意作凌埤蒼亦作凌樊注作凌凍當爲瘰說文無凌字正作凌樊注最善蓋瘰慄竝從之俗皆變從立心凌之爲凌亦猶是耳羽獵賦虎豹之凌遽字正作凌西京賦百禽凌遽又從立心馥謂凌爲憐之別體方言趙魏燕代之間謂哀曰凌玉篇凌憐也哀也慄也兼二義矣

窵

釋言窵肆也郭注輕窵者好放肆案說文窵深肆極也淮南兵畧訓谿肆無景高注肆極極谿之深不見景也晉書羊祜傳深谷肆無景曹攄贈石荊州詩窵窵山道深詩關雎箋云幽閒深宮靜女箋云猶貞女在窵窵之處皆謂深肆也

協洽

釋天太歲在未曰協洽李巡云陽氣欲化萬物故曰協洽協和洽合也馥案陽氣當爲陰氣高注淮南天文訓云陰欲化萬物和合協洽

獠

宵田爲獠釋文云郭音遼夜獵也或作燎宵田也據此則別本作燎詩伐檀正義引郭注云獠猶燎也今郭注

無此四字但云或曰卽今夜獵載鑪照也馥謂獠猶燎也四字當在或曰下

蜀都賦將饗獠者劉逵本作僚云僚獵也馥謂僚誤爲僚

霧

地氣發天不應曰霧霧謂之晦釋文云霧字林作霧本亦作霧馥案霧從日見說文至諸字書韻書竝無從口之字蓋誤也玉篇日部有瞽字云亂明字林當從日作霧

河墳

釋地墳莫大於河墳李巡云墳謂厓岸狀如墳墓名大防也詩汝墳傳云墳大防也箋以爲汝水之側淮濱傳云濱涯也箋以爲淮水大防正義謂墳從土濱從水故其義有別馥案說文坳大防也濱水厓也字異義同詩爾雅借墳爲坳李巡謂狀如墳墓臆說也詩正義謂從土從水義別淺說也

汝爲濱

釋水汝爲濱又云女有濱案說文涓下引作汝爲涓因有濱譌作濱

憶

釋木柎櫪釋文柎女九反呂郭竝汝九反櫪字又作億
說文云櫪梓屬也詩隰有柎陸璣疏云柎櫪也今官園
種之正名曰萬歲取名於億萬材可爲弓弩幹也馥案
說文櫪柎也櫪梓屬大者可爲棺槨小者可爲弓材是
櫪櫪二字同音不同物二陸竝誤又案說文柎古文作
柎則讀柎爲汝九反者亦誤

櫪通作櫪考工記弓人凡取幹之道柎爲上櫪次之
鄭司農云櫪讀爲億萬之億

蘧蒨

孫觀察星衍曰釋草其萌蘧蒨卽權輿釋詁權輿始也

大戴禮孟春百草權輿郭景純以蒨屬下非是馥案釋
草葭華蒹蘆葦蘆其萌蘧蒨芋皇華榮說文夢灌蒨
芋艸之皇榮也夢卽萌灌蒨卽蘧蒨芋上不及蒨深服
觀察之說有徵

白芷

本草白芷一名莞一名苻離釋草莞苻離郭云西方人
呼蒲爲莞蒲江東謂之苻離用之爲席此與白芷遠不
相涉何以致此誤釋草芷夫王郭云芷草生海邊似莞
蘭越人采以爲席陳藏器云芷芷一名江蘿子馥謂芷
有江蘿之號與莞同類又皆可爲席遂混苻離江蘿爲

一江離白芷皆香草因誤傳白芷爲苻離與苻離傳白
蒲又與白芷淆

莞說文作藎

莞

劉向九歎莞芎棄於澤州王逸注莞苻離也馥謂莞乃
詩之芎蘭說文芎蘭莞也芎蘭芎藭皆野蔬美品故棄
之可惜

萋葉白

詩言刈其萋陸疏云其葉似艾白色余目驗其葉青色
背乃白色疏當云背白色疑轉寫脫謬本草綱目萋蒿

二月發苗葉似嫩艾正面青背白

荻蒿

戰國策趙策公宮之垣皆以狄蒿楛楚顏氏家訓常買
荻尺寸折之然明夜讀陸璣詩疏蕭荻今人所謂荻蒿
者是也莊子釋文蕭荻蒿也馥案荻當爲荻監本爾雅
蕭荻釋文音秋唐石經作荻左傳伐雍門之荻是也

牡

釋草蔚牡菽郭注無子者陸璣詩疏謂卽牡蒿八月爲
角角似小豆角本草卽馬先蒿唐本注云實八月九月
熟圖經云郭謂無子陸云有子二說小異又唐注本草

木樓卷七
牡荆云莖勁作樹不爲蔓生故稱之爲牡非無實之謂也馥案牡藷牡茅皆非無實郭說未允

麋舌

落麋舌郭注春生葉有似於舌案釋鳥鶻麋鴟鴞從昏音古活切故司馬彪云亦呼鶻鶻是也麋舌卽麋鴟草與鳥同名者郭以爲口舌音義兩失

佳其

釋鳥佳其鳩鴟釋文云佳如字旁或加鳥非也馥案說文離或作隼佳旁加鳥乃正文何得爲非陸氏所謂如字者如隼字也旁或加鳥非也者隼旁加鳥作鷗也蓋

釋鳥原作隼其釋文原作隼如字寫者竝誤爲佳也又鷹隼醜下釋文云隼本或作鷗案佳卽鳥也無勞更加馥案此言隼上從佳卽鳥無勞更加鳥作鷗卽所云旁或加鳥非也

狗

釋獸熊虎醜其子狗左傳疏引李巡云熊虎之類其子名狗郭注引律捕虎一購錢三千其狗半之集韻引漢律捕虎購錢三百其狗半之狗熊虎子馥案列子釋文說白豹云爾雅熊虎醜其子豹豹熊虎之子也是狗豹皆豹之譌

竊脂

桑扈竊脂或謂喜竊脂膏案春夏秋冬四扈於五色得其四而無白脂卽白色所謂膚如凝脂是也竊脂淺白今謂之月白易林桃雀竊脂巢於小枝豈桃雀亦竊脂膏邪

滴

說文水中坻人所爲爲滴馥案爾雅水中可居者曰洲小洲曰階小階曰沚小沚曰坻人所爲爲滴此五句合爲一節釋文引郭圖水中自然可居者爲洲人亦於水中作洲而小不可止住者名滴水中地也說文郭圖皆連上文爲義今爾雅五句各爲一節後人亂之也

階

說文階下云如渚者階上水中高者也馥案渚字後人妄改爾雅如階者階上郭注水中小洲爲階子虛賦且齊東渚鉅海李善引聲類階或作渚是李以渚海爲階海說文渚下引爾雅小洲曰渚亦後人加之又沚下云小渚曰沚坻下云小渚也爾雅竝作階

錚

玉篇錚與錚同史記周本紀其罰百率注率卽錚也馥案錚當爲錚尙書呂刑錚字亦錚之誤

發

廣韻發下引詩傳三女爲發詩見此粲者釋文云字林作發馥案說文攷字云三女爲攷然則字林亦作攷釋文廣韻兩發字竝當改從說文

潛夫論

王符潛夫論引書使羞其行羞作循案此無義可尋蓋羞以聲誤爲脩又因脩循形近誤爲循耳

適

書康誥乃惟青災適爾賈傳治安策以是爲適然耳案適卽匱也玉篇匱飯堅柔調也今作適說文飯剛柔不作餅堅柔相著餅乃飯之誤

申池

文十八年左傳齊懿公游于申池杜注齊南城西門名申門齊城無池唯此門左右有池馥案爾雅十藪齊有海隅淮南云申池在海隅高誘注海隅藪史記集解引左思齊都賦注申池海濱齊藪也然則懿公所游之申池謂海隅藪杜以爲城池失之

項撮

莊子人間世支離疏者會撮指天注撮項椎也案字當

木槨卷十
三
爲櫟玉篇櫟木錐也徂活切撮纂聲相近尸子行險以撮撮乘載器音與鑽同禮喪大記君殯用輶輶注輶乘柩之車輶猶菽也尸子所謂撮卽禮之輶

連

文選子虛賦微矰出嫩繳施弋白鵠連駕鵠李善云言旣弋白鵠而因連駕鵠也案善意以爲連及非是淮南覽冥訓蒲且子連鳥於百仞之上高誘云蒲且子楚人善弋射者馥謂連以繳繳牽連之也

駮駮

甘泉賦崇上陵之駮駮兮李善注駮駮高大貌也案說

文駮駮駮也駮馬搖頭也我頃頓也頗頭偏也馥謂駮駮言上陵偏頗之狀

縈紆

李善注西都賦引說文紆縈也又云縈紆猶回曲也馥案賦中紆字當作迂說文迂避也避回也李注望文爲義不爲破字失之

貸

急就篇貫貸賣買販肆便顏注貸假與也馥謂貸當爲貸說文貸從人求物也貸施也貫貸連文與施義遠今說文貫下云貸也貸亦當爲貫

不內顧

張平子東京賦夫君人者黈纁塞耳車中不內顧薛綜注云內顧謂不外視臣下之私也李善注云魯論語曰車中不內顧崔駰車左銘曰正位授綏車中不顧馥案論語釋文云魯讀車中內顧魯讀卽魯論語然則張賦李注本無不字後人據今本論語加之薛注尤爲明顯車左銘亦是車中內顧藝文類聚俗本改不字其車右銘云內顧自敕知左銘亦是內顧

李善西京賦注引三略曰將內顧則士卒慕之也

寮

西京賦交綺豁以疏寮薛綜注疏刻穿之也靈光殿賦天窗綺疏張載注疏刻鏤也景福殿賦編以粹疏李善云粹疏謂繪五彩於刻鏤之中馥案說文旣門戶疏窗也寮穿也

薛注窳窳類貙虎亦食人馥謂亦當爲爪釋獸類貙類貙虎爪食人

夔魑

東京賦殘夔魑與罔象薛綜注夔木石之怪如龍有角說文曰魑耗鬼也馥案說文夔神魑也夔魑是一物賦下文野仲游光皆一物名夔魑不得爲二此沿孟康揚

雄傳注之誤

藉田賦

潘安仁藉田賦晉書本傳思樂旬畿薄采其芳大君戾止言藉其農案芳農聲不相近文選作茅是也束皙勸農賦惟百里之置吏各區別而異曹考治民之踐職美莫富乎勸農可爲比照文選垂髻總髮與戾襪二韻不合本傳作總髻是也

集韻夔情俱屬冬部猥懷俱屬豪部

百草含葩

李善注琴賦云思元賦曰天地煙熅百草含葩鳴鶴交

頸雖鳩相和以韻推之所以不惑案後漢書張衡傳作百草含藹藹古音與和爲韻

熙春

閒居賦熙春寒往李善引廣雅熙熾也馥案熙正作嬰說文嬰說樂也老子萬物熙熙如登春臺如享太牢亦借熙字

鄆亭

郡國志琅邪國東垣有鄆亭劉昭注引左傳公處鄆馥案魯有東鄆西鄆在東垣者爲東鄆趙孟所謂莒魯爭鄆是也公所處之鄆在廩丘縣東左傳昭公至自乾侯

居於鄆成公待於鄆是也此乃西鄆與鄆亭無涉劉注誤矣

京相璠曰琅邪姑幕縣南員亭故魯鄆邑世變其字非也

翰

釋名觀翰也望之延頸翰翰也案翰當爲翰說文看或作翰踰也踰望也

劉擔

漢書百官表千鐘侯劉擔史記作劉搖案擔當爲擔天文志星擔者民勞也

骨母

七發厲骨母之場李善注引胥母山疑骨字之誤案隸書胥作骨與骨形近此致誤之由晉書指次又譌作指次亦因骨骨形近

滿

四子講德論傳曰詩人感而後思思而後積積而後滿滿而後作李善云樂動聲儀文也馥謂兩滿字竝當作滿下文云是以刺史感滿舒音而詠至德故知作滿者字之誤也滿謂憤滿史遷云詩三百五篇大抵忠臣孝子發憤之所爲作也

貢

幽通賦周賈盪而貢憤兮曹大家曰貢潰也憤亂也潰
亂於善惡案貢憤當爲憤憤廣韻憤憤也集韻憤悒憤
兒說文憤亂也又廣雅慎憤也慎當爲憤旣質之王給
諫說與余異

附王給諫荅書

承示廣雅慎憤也慎爲憤之誤文選幽通賦周賈盪
而貢憤兮憤亦爲憤之誤念孫案憤有潰亂之義曹
大家訓憤爲潰是也亦有恐懼之義廣雅訓忒慎爲
憤是也欲知廣雅憤字之義當於忒慎二字求之說

文忒惕也春秋國語曰于其心忒然鄭注易云惕懼
也是忒爲恐懼之義廣雅慎恐也是慎亦有恐懼之
義方言蛩悞戰慄也荆吳曰蛩悞蛩悞又恐也廣雅
魍蜮悞畏恐懼也魍慎忌畏恐也忒慎憤也轉相訓
釋而其義自明憤恐蛩悞聲近而義同也若改慎爲
憤則與忒字之義不類廣韻忒意慎忒也此尤足證
慎字之不誤又案憤字亦有潰亂之義是以慶鄭言
亂氣狡憤是以曹大家孟康皆訓憤爲亂字通作賁
荀子疆國篇下比周賁潰以離上韓詩外傳作憤是
憤與潰同義說文憤懣也懣煩也煩亦亂也李奇注

漢書敘傳云憤懣也是憤與憤亦同義似無煩改憤
爲憤也肅此覆俟裁酌不宣念孫頓首

水南曰陽

江賦浮磬肆乎陰濱五臣注云生北岸故云陰濱水南
曰陽馥案此後人妄改非本文也穀梁傳水北爲陽詩
在洽之陽五臣豈不熟聞未應荒陋至此說文陰字云
水之南山之北也此亦註家習知者

宋書

宋書列傳第十九卷有張暢傳第六卷張邵傳後又有
暢傳事雖同而文簡且無史臣論又稱魏爲魏主與前
傳稱虜文異此定非沈氏原文案目錄趙倫之傳後有
到彥之傳今彥之傳闕當是後人竄入張暢傳也張邵
傳中已附其子敷傳第二十二卷又特立張敷傳此則
史家謬亂不容他委

鐵戈斬山

吳志賀齊傳黠賊陳僕等屯林歷山山四面壁立數十
丈齊募輕捷士爲作鐵戈密於隱險賊所不備處以戈
拓斬山爲緣道夜令潛上案二戈字當爲弋弋槩也可
賴以陟險鐵弋用以開掘也斬山當合爲斬字謂以鐵
弋開拓斬削修成緣道也

巾車

陶公歸去來辭或命巾車案江文通擬陶田居詩日暮巾柴車李善注云歸去來曰或巾柴車鄭元周禮注曰巾猶衣也是李善本原作或巾柴車後人改之張景陽七命爾乃巾雲軒與巾柴車同

周禮巾車劉昌宗讀去聲居焮切俗作抽廣韻抽覆巾名集韻抽巾覆物也

形天

陶公讀山海經詩形天舞干戚案海外西經形天與帝至此爭神帝斷其首葬之常羊之山乃以乳爲目以臍爲口操干戚以舞馘云形殘之尸於是以乳爲目以臍爲口操干戚以舞馘謂形天當作形夭唐等慈寺碑作形夭蓋形天卽形殘也

散宜生

散宜生說者謂散氏宜生名案大戴禮帝系篇堯娶于散宜氏之女謂之女皇漢書人表女皇堯妃散宜氏女據此則散宜複姓

越鄂君

李義山詩繡被猶堆越鄂君案說苑鄂君子皙泛舟於

新波之中榜柂越人擁楫而歌鄂君子皙曰吾不知越歌子試爲我楚說之於是召越譯楚說之鄂君子皙乃搃修袂行而擁之舉繡被而覆之鄂君子皙楚王母弟也官爲令尹爵爲執珪一榜柂越人猶得交權盡意焉據此則越鄂君誤矣當作楚鄂君

飾巾

後漢書陳寔傳寔久絕人事飾巾待終而已案飾當爲帥續漢書何進袁隗欲特表陳寔以不次之位寔謝曰久絕人事帥巾待終而已說文帥佩巾也

啗噉

史記淮陰侯傳項王啗噉叱咤千人皆廢案啗當爲啗啗大聲也信陵君傳晉鄙嘆啗宿將正義引聲類嘆大笑啗大呼

沙音蔡

水經注渠水下云沙水音蔡馥案蔡當爲察說文譚長說沙或從止止子結切察止聲相近周易釋文云沙鄭作泚泚卽泚之譌

鴛

呂氏春秋三月紀田鼠化爲鴛高注鴛鵲青州謂之鴛鴦周雒謂之鴛幽州謂之鵲也馥案鵲當爲鴛鴦當

爲鷓鴣釋鳥鷓鴣母郭注鷓也青州人呼鷓母

蝮蛇

後漢書崔琦傳蝮蛇其心注以蝮爲蝮蝮馥謂蝮蛇卽蝮蛇借蝮字

肆

淮南齊俗訓譬若舟車楯肆窮廬故有所宜也高注水宜舟陸宜車沙地宜肆泥地宜楯草地宜窮廬文子自然篇水用舟沙用肆泥用楯山用櫟釋音云肆乃鳥切推板具馥謂肆當爲肆之譌呂氏春秋慎勢篇作沙用鳩尸子作行沙以軌

彼

玉篇彼邪也廣韻引論語子西彼哉馥案詩彼交匪敖左傳作匪交匪敖詩彼交匪紆荀子勸學篇作匪交匪紆左傳引詩如匪行邁謀杜注匪彼也馥謂彼竝當作彼彼匪通者匪亦邪也易所謂匪寇是也集韻引埤蒼與玉篇同

蕩

廣韻蕩徒朗切大也又水名出湯陰蕩吐郎切水名在鄴今蕩陰縣單作湯馥案說文蕩水出河內蕩陰東入黃澤从水蕩聲徒朗切蕩大竹也從竹湯聲徒朗切廣

韻竝以爲水名謬甚張遷爲蕩陰令其碑從艸

李善引書

李善所引蒼頡篇三蒼聲類字林諸書多依隨文選俗字非本書原文如引說文仿佛作髣髴輒作輻隕作頽均礫作的礫此類不可悉舉或據爲本書左證則因誤而誤矣

卉

上林賦卉然興道而遷義郭璞曰卉猶勃也馥謂當作甯說文甯艸木甯字之兒

認

洞簫賦憤伊鬱而酷認李善引蒼頡篇認憂貌奴谷切案五臣本作認玉篇認音溺愁面也無認字賦又云時恬淡以綏肆李善云綏遲也王肅尙書注曰肆綏也馥案綏當爲綏字之誤也五臣云綏安也非是舜典青災肆赦傳云肆綏也過而有害當綏赦之莊二十二左傳肆大眚疏云肆綏也李善云廣雅曰恬靜也說文曰恬安也汲古閣本六臣本俱誤作說文曰淡安也賦又云或雜還以聚斂兮或拔擿以奮弃五臣釋奮爲奮迅馥案拔擿分散也奮弃當爲棄蕪弃說文棄蕪弃除也賦又云佚豫以沸渭李善本作怫悒注引埤蒼怫悒不

安貌案玉篇廣韻作佛惛竝與埤蒼訓同汲古閣刻李善本作沸渭後人亂之也六臣本云渭善本作惛又笙賦中佛鬱以佛惛李善五臣二本竝從立心賦又云時橫潰以陽遂李善引禮記注遂達也馥謂遂當爲隊樂記上如抗下如隊

膠亮

笙賦勃慷慨以膠亮李善云膠亮聲清也聲類云膠且也案膠且義遠當爲膠說文膠清深也

謂

金石錄金鄉長薛石頌君諱詣字公謀詣宋本作謂案

陸機辨亡論謀無遺謂淮南本經訓設詐謂高誘注謂謀也

庸峭

宋人小說魏收有庸峭難爲之語文潞公以問蘇子容子容曰向聞之宋元憲云事具木經蓋梁上小柱有曲折峻峭之勢言人之儀矩可喜者曰庸峭馥案此溫子昇語也子昇自以不修容止謂人曰詩章易作逋峭難爲庸逋二字竝非此義當爲峭峭廣韻峭峭好形兒出字林今猶謂自猗容儀者爲賣峭

僱工

玉篇雇今以爲雇僦字唯備也馥案今俗作僱工矣後漢書光武紀女徒雇山歸家注引漢書音義令甲女子犯徒遣歸家每月出錢雇人於山伐木名曰雇山

慤素

文選舞賦懷慤素之潔清李善引說文慤貞也馥案慤當爲設說文設素也又樸木素也設素謂樸素

六人究

西京雜記許博昌安陵人也善陸博法用六箸或謂之究以竹爲之長六分案究當爲莞顏氏家訓古者大博則六箸小博則六莞又作瓊鮑宏博經用十二碁六碁白六碁黑所擲投謂之瓊史記蔡澤傳君獨不觀夫博者乎或欲大投或欲分功集解云投投瓊也索隱云言夫博弈或欲大投其瓊以致勝是也

虞猛獸

漢書賈山傳縣石鑄鐘虞顏注虞猛獸之名謂鐘鼓之柎飾爲此獸後漢書董卓傳又壞五銖錢更鑄小錢悉取洛陽及長安銅人鐘虞飛廉銅馬之屬以充鑄焉注云鐘虞以銅爲之故賈山上書云縣石鑄鐘虞前書音義曰虞鹿頭龍身神獸也馥案虞非獸名當爲虞說文虞或從金虞聲司馬相如說虞封豕之屬一曰虎兩足

舉蓋漢書本作鐘鏐故顏注及音義竝以虞為獸寫者
改為鐘虞又改虞為虞失之

操弓

家語子路初見篇操弓不反檠操當為燥說苑燥弓不
返於檠

跣

今以官路置驛馬為跣案當作棧莊子我善治馬編之
以皂棧司馬彪曰棧若櫟牀施之溼地也赭白馬賦斃
於內棧李善曰棧櫪也五臣曰棧以板禦溼而承馬足
也干寶晉書駑馬戀棧豆通俗文板閣曰棧通鑑郭子

儀圍鄴城壅漳水灌之城中井泉皆溢構棧而居

陶遂

後漢書杜篤傳粳稻陶遂注引韓詩陶暢也馥案禮記
祭義陶陶遂遂如將復入然鄭注陶陶遂遂相隨行之
貌

駮

玉篇駮雷繫鼓也馥案當云擊雷鼓也西京賦駮雷鼓
夏官大司馬鼓皆駮王粲英雄記整兵駮鼓

梅

方言梅貪也廣雅同楚辭天問穆王巧梅夫何為周流

王逸注梅貪也馥案梅當為梅廣韻梅貪也

僭時

漢書敘傳侯伯僭時應劭曰秦文公造西時祭天是也馥案文公當為襄公封禪書襄公作西時文公作郵時

鐵鈇

急就篇鐵鈇鑽錐釜鍍整顏注鐵鈇以鐵為莖刃也案鑽錐鍍釜整皆鐵器不應專屬鈇馥謂鐵當為鐵廣雅鐵銳也亦錐類

鐵幕

韓策甲盾鞬整鐵幕鮑注鐵幕以鐵為臂脛之衣史記

蘇秦傳當戰則斬堅甲鐵幕馥案幕謂以鎧覆於衣外也釋名留幕冀州所名大褶至邾者也留牢也幕絡也言牢絡在衣表也

獸

周易中孚卦釋文云畜本或作獸馥案獸當為豨匡謬正俗謂豨即六畜字今周易注疏本作獸因豨誤也

誅

廣雅殺殺也廣韻殺與列同陟輪切注云列殺字從反馥案此言列與說文從肖之削異也經典以誅為殺說文誅討也廣韻誅責也無殺意經典假借誅字也當作

列或作戕說文形似之字多為人削除故刀部有削無
列廣韻定非無據文選肖之韻異出聲典以爲爲聲
牂牁公說無然應同韻世主云四聲字彙
廣韻歌部牁所以繫舟戕陸云上同唐部戕戕牁亦作
牂案陸云者或陸法言切韻或陸該字林不可臆知蓋
陸以戕與牂同脩廣韻者誤與牁同也戕當爲戕玉篇
弋部戕子郎切繫船大弋也又戕牁郡亦作牂又吡各
何切戕吡卽牂牁也

牂牁

廣韻牂牁模模當爲橫集韻牂牁橫枕篇海牂音光牁

橫木也案牂牁版也牂牁之橫者也

豆

豆當爲逗訂字林訂逗遛也句豆長笛賦作句投杜
子美詩遠投錦江波一本作逗

粟秒

說苑度量衡以粟生之數十粟爲一分十分爲一寸十
寸爲一尺說文律數十二秒而當一分十分而寸其以
爲重十二粟爲一分十二分爲一銖案十粟何止一分
說苑有脫誤疑作十秒說文十二秒亦應作十秒因下
十二粟致誤

采稻

埤蒼糴自生也通鑑注稻與糴同禾不布種而自生曰
稻晉書郭舒傳采稻湖澤以自給夏統傳每采稻求食
桓元傳會稽飢荒百姓散在江湖采稻通鑑慕容詳不
聽民出采稻唐書馬燧傳歲大旱田第不及耕是秋稻
生於境人賴以濟嚴震傳梁漢閒刀耕火耨民采稻爲
食北史宋世良傳獄內糴生桃樹字或作旅語林劉道
真於河側見一老嫗采旅梁書武帝紀北徐州境內旅
生稻稗二千許頃庾沙彌傳墓在新林因有旅松百餘
株自生毛刻三國志凡稻字皆誤从木梁書王僧辨傳

其夜軍人采稻失火亦誤从木

笏

廣雅榜擊也音彭通鑑光武謂第五倫曰聞卿爲吏笏
婦公注云笏音彭後漢書陳寵上疏斷獄者急於笏格
酷烈之痛章懷注笏卽榜也古字通用聲類曰笞也說
文曰格擊也案說文格擊也兩格字皆誤從木笏音彭
卽彭排之彭

陽稍

通鑑祖珽使人簿錄斛律光家得陽稍二注云明非私
藏兵器馥謂兵刃有陰陽陽者露出陰者潛縮此稱稍

之陽刃者也

藍衫

學官弟子服藍袍呼爲藍衫此誤也當爲襴衫唐制士人以棠苧襴衫爲上服馬周議禮無服衫之文三代有深衣請加襴袖襍襪長孫无忌議服袍者下加襴緋紫皆視其品馥謂今秀才袍加青邊是其遺製

櫛星門

龍魚河圖云天鎮星主得士之慶其精下爲靈星之神案學宮孔子廟前有櫛星門蓋取得士之義古字靈櫛通莊子釋文云編木作靈似牀曰棧後人以漢祠靈星

祈穀與孔廟無涉又見門形如窗櫛遂改靈爲櫛春秋說題辭曰槐木者靈星之精益知靈星改爲櫛星矣今之屍牀呼爲靈牀本作櫛管寧坐櫛牀上司馬彪莊子注棧若櫛牀定九年左傳載蔥靈正義云賈逵云蔥靈衣車有蔥有靈然則此車兩旁開蔥蔥中豎木謂之靈今人猶謂編豎木爲櫛子

區

莊子釋文卻曲字書作迟廣雅云迟曲也集韻作區物曲也一曰曲受也馥案匚傳寫之誤當從匚曲字古文作匚此變爲匚也

毛詩拾遺

太平御覽所引毛詩拾遺皆謂出於郭璞案北史高允作也

集韻脫芍字

集韻緝下云說文芟也謂茅根一曰藕梢案此乃芍字訓漏脫芍字誤屬緝下又失緝之本訓也廣韻芍藕根小者

巾卷

余題齋額曰巾卷蓋取顏延年詩巾卷充街也見者多依李善解爲巾箱書卷惟袁簡齋先生知是頭巾爲作

跋尾欲舉解巾二事而忘其人名案後漢韋彪傳解巾之郡北史高柔傳解巾司空行參軍是也南齊書王儉傳監試諸生巾卷在庭劔衛令史儀容甚盛顏延年秋胡詩脫巾千里外結綬登王畿李善注云巾處士所服綬仕者所佩今欲宦於陳故脫巾而結綬也通鑑宋文帝令雷次宗以巾構侍講胡三省引蜀注巾謂巾幘

胛

一切經音義引說文胛肩甲也玉篇胛背胛也後漢書張宗傳襲赤眉中矛貫胛注云胛背上兩膊間通鑑齊宣城王胛上有赤誌注云肩背之間爲胛南齊王奐傳

頸下有傷肩胛烏黥梁書狼牙脩國其俗男女皆袒王
及貴臣乃加雲霞布覆胛案戴逵及子顒善造佛像宋
世子鑄銅佛像面恨瘦顒曰非面瘦乃臂胛肥耳水經
注赤岬山土人云如人袒胛故謂之赤岬山韓偓詩酥
凝背胛玉搓肩楊萬里詩笠是兜鍪蓑是甲兩從頭上
溼到胛釋名肩堅也甲闔也與胷脅皆相會闔也通鑑
骨利幹於鐵勒諸部爲最遠晝長夜短日沒後天色正
曛煮羊胛適熟日已復出矣馥案史載云海東有國曰
骨利幹地近扶桑國人初夜煮羊胛方熟而日已出歐
陽永叔謝人寄牡丹詩邇來不覺三十載歲月纔如熟

羊胛用以爲韻通鑑脾譌字也

秦

說文秦伯益之後所封國地宜禾一曰秦禾名案禾名
當爲木名字之誤也文選風賦離秦衡李善云秦木名
范子計然曰秦衡出於隴西天水馥案說文榛木名蓋
榛通作秦也

唐

漢書揚雄傳故甘露零其庭醴泉流其唐應劭引爾雅
廟中路謂之唐馥案應說非是當讀如周語陂唐汙庫
之唐謂醴泉出而成池唐也靈光殿賦玄醴騰湧於陰

溝甘露被宇而下臻景福殿賦醴泉涌於池圃蓋甘露
下零故被於階庭醴泉上涌故流於池唐

嶼

謝靈運詩孤嶼媚中州郭璞江賦石帆蒙龍以蓋嶼五
臣注洲中山曰嶼劉逵注吳都賦石帆生海嶼石上相
鶴經行必依洲嶼馥案嶼俗作也當為淤上林賦行乎
洲淤之浦李善注引方言水中可居者曰洲三輔謂之
淤也

馱

江賦鳩鷺鷗馱李善本作馱引山海經馱其狀如鳧郭

璞音鉗欽之欽五臣本作馱音步末切或以馱與下文

月聒翹沫豁碣為韻五臣音近是玉篇馱大鳥也廣韻

鳩鳥名似鳧此二書皆宋人重修之謬案牽沃竝從大聲音他達切

馱從大亦與下文合韻也郭音不謬字當為馱

蹠

江賦夔犴翹蹠於夕陽李善引莊子齧草飲水翹尾而
蹠此馬之真性也五臣注蹠音六廣韻蹠力竹切翹蹠
也馥案說文蹠曲脛也讀若達是蹠即蹠之變體謂馬
曲一脛也

莊子釋文作陸引司馬云陸跳也據李善所引當作

陸

稊梁

長門賦施瑰木之構榦兮姿參差以稊梁李善注言以瑰奇之木以為構榦委積參差以承虛梁馥案說文康屋康寔也康寔高空之義賦借稊梁字不得解作屋梁止術

止術

山海經北山經囂鳥可以止術郭注治洞下也馥案中

裏節

山經飛魚已痔術然則止術亦謂能止痔術

木工謂樹節為裏節案說文厄科厄木節也賈侍中說以為厄裏也厄音五果切

搃

說文搃徐鉉音匹齊切案文選琴賦觸搃如志李善注搃蒲結切玉篇蒲結普雞二切廣韻蒲結切無普雞一音曹憲有文選音李善受學於憲其音當出於憲大徐音學不如曹李遠矣廣韻不收普雞一音良是

袞

說文袞從衣公聲此誤也當從台說文台讀若沅州之沅沅隸作充魏受禪碑襲袞龍其字從充省不從公故知當從台

俗書變台爲公船鉛從台今作舩鉛與衰作袞同

觸龍言

史記趙世家觸龍言願見太后案龍言乃聾字誤分爲二趙策有觸聾

齋速

楚辭九歌吾與君兮齋速注訓齋戒案離騷反信讒而齋怒注云齋疾也馥謂齋速亦疾也

府腫

呂氏春秋先已篇身盡府腫高注府腹疾也又盡數篇處腹則爲張爲府高注府跳動皆腹疾馥案府當爲疔

玉篇引作疔說文疔小腹病

瘵耗

急就篇薦瘵瘵瘵迎醫匠顏注瘵損耗也說文瘵減也一曰耗也一切經音義衰耄字體作瘵同所龜反禮記年五十始瘵瘵懈也古文耄耄二形今作耗同莫報反馥案當云耄古文耄耄二形耄俗作耗薦瘵瘵瘵皆老病顏謂損耗失之

女岬山

廣韻岬下云女岬山名弱水所出案弱水所出之山單名岬說文岬下山也或曰弱水之所出此卽楚詞之

窮石十六國春秋謂之蘭門山在漢張掖刪丹西南女
叭別是一山九域志女叭山在河南府壽安縣神仙傳
葛仙翁於女几山學仙是也

杜探

說文敘漢興有草書注引徐鍇曰齊相杜探作案鍇本
作杜操趙宦光長箋同陳君煊曰操字伯度始作草書
周興嗣千字文所稱杜橐是也避魏武帝諱改稱杜度
韓退之諱辨云漢之時有杜度卽其人也

乖居

淮南泰族訓關雎興於鳥而君子美之者爲其雌雄之
不乖居也案乖當爲乘列女傳雎鳩之鳥猶未嘗見其
乘居而匹游

鳥喙

小爾雅廣器衡扼也扼上者謂之鳥喙案喙當爲啄釋
名鳥喙向下義馬頸似鳥開口向下啄物時也

楫柎

高注淮南云柎推也讀若楫柎之柎案當云讀若措付
之措說文措推擣也柎反推車令有所付也讀若葺

字母

隋書經籍志自後漢佛法行於中國又得西域書能以

十四字貫一切音文省而義廣謂之婆羅門書案十四字當作四十字謂華嚴字母四十字也然則字母自後漢已入中國至魏始大傳於世

掌技

文選薦禰衡表激楚陽阿至妙之容掌技者之所貪呂向注云主技樂之人所以貪愛案下文云飛兔騶褭絕足奔放良樂之所急也王良伯樂兩人則掌技亦當爲二後漢書禰衡傳作臺牧注云未詳孔融集作堂牧

瘵衰

漢書禮樂志是故纖微瘵瘁之音作注云瘁一作衰馥案瘁當爲瘵說文瘵減也故樂記作嘒殺殺亦減也瘵嘒皆借字當爲漹漹盡也

摻

後漢禰衡傳衡方爲漁陽參搗章懷注云參搗是擊鼓之法而王僧孺詩云散度廣陵音參寫漁陽曲自音云參七紺反讀參字音爲去聲不知何所憑也楊氏談苑徐鍇仕江左領集賢學士校祕書時吳淑爲校理古樂府中有摻字者淑多改爲操蓋章草之變鍇曰非可一例若漁陽摻者音七監反三搗鼓也禰衡作漁陽摻搗古歌詞云邊城晏聞漁陽摻黃塵蕭蕭白日暗淑歎服

天中馥案庾信詩聲煩廣陵散杵急漁陽摻李頎詩忽
記同然更作漁陽摻黃雲蕭條白日暗李商隱詩欲問漁陽
摻時無禰正平又云必投潘岳果誰摻禰衡搥蘇軾詩
幅巾起作鴝鵒舞疊鼓誰摻漁陽搥宋祁詩波生客浦
揚舲遠潤逼漁陽搥參遲又云征鞞曲曲漁陽摻後乘
人人鄴下才廣韻參七紺切參鼓馥謂本作參俗加手
旁

鞮

馬鞍具曰鞮此俗作也當為幟廣韻幟蘇早切二幅說
文幟婦人脅衣馥謂幟亦馬之脅衣故冒名焉晉書張

方傳軍人入宮閣爭割流蘇武帳而為馬幟

釋文引字林

爾雅釋文引字林鱣大龜似狷案此有脫誤當為以胃
鳴

魚泣津

續漢郡國志犍為郡南安有魚泣津范書吳漢傳漢與
公孫述將戰於魚涪津案泣涪皆誤當作脍說文鮓魚
脍臠也出蜀中

襠

阮籍大人先生傳動不敢出禪襠案襠本作當遮也遮

前後也上古有鞞但知蔽前不知蔽後故復作禪而加當其上

兩襜亦應作當前當心後當背也

練

晉書王導傳庫中惟有練數千端鬻之不售導乃制練布單衣士人競服之隋書姚察傳門生送南布花練類篇引後漢書禰衡傳作練巾今本誤作疎巾

齧騎

管子輕重戊篇車轂齧騎連伍而行注云齧齧也言其車轂往來相齧案說文齧齧也齧齧也注與齧義合但齧騎未安說文又云齧一曰馬口中槩也齧騎言馬連伍受槩司馬相如諫獵書云猶時有銜槩之變張揖曰槩駢馬口長銜也

憂艱

今以父母卒稱丁憂丁艱若移於兄弟夫妻世多非笑案漢人有遭兄弟憂去官者潘安仁楊仲武誄云德宮之艱此謂其妻楊肇女卒於洛陽德宮里也

區種

汜勝之書上農區田大區方深各六寸相去七寸一畝三千七百區丁男女治十畝至秋收區三升粟畝得百

斛也李善引此文云區音鄔侯切馥案廣雅圃劊劊也
廣韻圃烏侯反圃劊又恪侯切劊裏也馥謂區當作圃
謂劊地作方坎以下種使容糞且耐旱與隴田耨種迥
異

種瓜皆劊坎又先於秋日取新刈高糧稈浸洿池中
種時尺斷其稈深插坎之四隅最耐旱

王姓

廣韻王姓二十一望以北海陳畱爲齊王田和之後案
惟北海一望爲田和後王莽傳齊人謂之王家是也陳
畱則畢萬之後曹子建王仲宣誄猗歟侍中遠祖彌芳

公高建業佐武伐商流裔畢萬勲績惟光晉獻賜封於
魏之疆天開之祚末胄稱王李善云陳畱風俗記浚儀
縣魏之都也晉獻公以魏封大夫畢萬後世文侯初盛
至子孫稱王是爲惠王然以稱王因氏焉案廣韻又以
高平京兆爲魏信陵君之後

辟姓

廣韻辟姓也漢有辟子方黃小松司馬拓示北魏造像
題名有辟姓始知辟當爲辟俗趨約易省艸耳

口占

文選曹子建與吳季重書適對嘉賓口授不悉五臣注

對客口授使者而制此書案陳遵常召善書吏於前治私書謝親故馮几口占子建亦授吏代書卽書中所謂熹事小吏非授使者也

棋檠

集韻棋詆棋漢書棋檠其短案司馬遷傳作媒檠孟康解爲酒媒麴檠是也作棋則檠字無著漢書枚皋作賦詆棋東方朔詆棋媒檠兩義集韻誤合爲一

齊人名麴麴曰媒徐邈讀麴爲去穢反廣韻梅酒母

高檣

北方伎人足繫木竿上跳舞作八仙狀俗呼高檣案列

子說符篇有異伎張注云僑人又山海經長股國郭注云今伎家僑人像此馥案說文僑高也當言高僑左傳長狄僑如僑如者高如也

櫛

廣韻櫛樹木立也案櫛當爲菑考工記輪人察其菑蚤不齟鄭司農云菑讀如雜廁之廁謂建輻也泰山平原所樹立物爲菑聲如哉博立梟基亦爲菑

灘脩

淮南天文訓太陰在申歲名曰涪灘高注涪大灘脩萬物皆脩其精氣馥案兩脩字寫誤竝當爲循高注呂氏

春秋序意篇歲在涪灘云涪大也灘循也萬物皆大循其情性也李巡說爾雅云萬物皆循精氣故曰涪灘

韶韶

關東謂甑爲韶梁州謂釜曰韶堯舜飯土韶皆不典之文俗因韶而改作之

鑿

襄九年左傳備水器注云盆鑿之屬玉篇甗大盆也續漢書盜伏於甗下案鑿甗皆俗作也當爲鑑周禮凌人春始治鑑注云鑑如甗大口以盛冰說文鑑大盆也

鍾

毛氏增韻鍾下引說文當也又酒器又量名徐鉉本無當也量名二義徐鍇說文韻譜鍾當也又酒器亦量名案韻譜非錯原本乃其兄據李舟切韻增訂者廣韻鍾當也酒器也又量名與李舟切韻同毛氏不知出切韻以爲說文疏矣洪武正韻又沿其誤

芴

瀛奎律髓有宋子京春宴行樂園詩云園芴初乾小雨泥注云芴人去聲是讀認矣廣韻證部認芴同紐認音而證切又而振切謂認又屬震部非謂芴亦而切也讀人去聲者或因認字致誤

辣虎

湖州茱萸醬謂之辣虎集韻韜搗茱萸爲之味辛而苦
馥謂虎乃韜音之譌

黏蟬

張船山同年云高麗人言漢黏蟬縣蟬讀如提新城王
尙書詩何以押入先韻馥案服虔應劭本音提廣韻齊
部有禪鷄二字皆從單聲而不收蟬字此韻家之疏也
集韻蟬田黎切黏蟬縣名在樂浪可補廣韻之闕

顏子驕

史記孔子弟子顏高字子驕索隱引家語又名產案鄭

子產名僑是子驕當爲子僑僑高也

陸德明

陸氏經典釋文敘云粵以癸卯之歲承乏上庠余友丁
小雅謂癸卯爲陳後主至德元年隋文帝之開皇三年
馥案隋書許善心傳大業元年轉禮部侍郎奏薦儒者
徐文遠爲國子博士包愷陸德明褚徽魯世達之輩竝
加品秩授爲學官考大業元年爲乙丑去開皇癸卯已
二十五年新唐書本傳云陳太建中後主爲太子集名
儒入講承光殿德明始冠與下坐解褐始興國左常侍
陳亾歸鄉開隋煬帝擢祕書學士大業間廣召經明士

於是德明與魯達孔褒共會門下省遷國子助教據此則陳後主時僅爲常侍不得言上庠也與魯達共會門下省卽善心所薦也國子助教卽授爲學官也皆與癸卯不合或以癸卯爲貞觀十七年案本傳又云秦王辟爲文學館學士補太學博士高祖已釋奠召博士徐文遠講經德明徧析其要遷國子博士案高祖時已遷國子博士不待貞觀癸卯始承之上庠也及檢舊唐書云高祖善之賜帛五十匹貞觀初拜國子博士然後知國子博士太宗所授非高祖所遷新唐書刪易舊文遂不明了敘所稱實貞觀之癸卯也德明已爲唐臣不應於立言之體也

陳隋往代而曰承乏曰上庠其稱本朝近事無疑此文
札樸第七
山陰 李信 校正

札樸卷八目

金石文字

芊子戈

慮僂

銅弩機文

銅鐸

古鏡文

犢鈕

別部司馬印

單祭尊印

商國

銅弩機尺

銅梁楮

銅器中有五銖錢

銅瓦

銘印

石洛侯印

少丙印

唯字印

妾字印

麇字印

玉璽羨印

武平侯印

凌江將軍印

驩驤將軍印

主爵印

唐留後印

嶧山碑

韓勅碑

韓勅後碑

孔宙碑

張遷碑

婁壽碑

衡方碑

楚相孫叔敖碑

乙瑛碑

史晨碑

史晨後碑

鄭固碑

華山廟碑

唐公房碑

孟郁堯廟碑

石門頌

楊震張壽二碑

夏承碑

孔鮒碑

北海相景君碑

魏元丕碑

曹全碑

李君殘碑

造橋碑

魯峻石壁畫象

郭巨石室畫象

武祠畫象

伯瑜泣杖象

武氏石闕

漢石經魏三體石經

魏上尊號碑

魏王墓碑

晉孫夫人碑

西門豹碑

高湛墓志

齊鄉黨舉孝義碑

鄭道昭摩崖二刻

小鄭公雲峯山尋舊迹摩崖

隨造橋碑

札樸第八目錄終

札樸卷八

曲阜 桂馥 未谷撰

金石文字

芊子戈

顏教授崇槩藏古銅戈文曰芊子之船戈船古文造字
尙書顧命允之戈和之弓垂之竹矢鄭注允也和也垂
也皆古人造此物者之名唐韋臯鎮蜀所進兵器皆鏤
定秦字不相與者造成罪名陸暘上言臣向在蜀知定
秦者匠名也因此得釋馥謂芊子亦造戈人也月令物
勒工名以考其誠注云勒刻也刻工名於其器或釋船

戈爲服戈馥謂當作造又見一戈文曰衛公孫呂之告
戈告卽船之省文大戴禮矛銘云造矛造矛亦可證造
字

何承天上表計丁課仗凡戰士隨其便能各自有仗
素所服習銘刻由已戈亦有銘文十數字者此則執
戈人所作與匠名不同

商國

顏教授有古銅器翁閣學釋文曰愕作距末用釐商國
定爲商器阮閣學謂商國爲宋國引哀九年左傳利以
伐姜不利子商二十四年傳孝惠娶於商爲據馥亦於

左氏得二證僖二十二年傳宋公將戰大司馬固諫曰
天之棄商久矣昭八年傳自根牟至於商衛注云商宋
地魯境接宋衛也

通鑑拓拔魏黃門侍郎崔宏曰昔商人常厥居故
兩稱殷商注云契始封於商皇甫謐曰今上洛商是
也契孫相土又居商上馥謂殷之稱商據契始封至
於商上則等之成湯遷亳仲丁遷囂河亶甲遷相祖
乙遷耿皆不爲稱號矣

慮僂

吾邑孔戶部尙任有漢建初尺文曰慮僂銅尺案魏書

地形志永安郡有驢夷縣注云二漢屬太原曰慮虜
古今注秦錢半兩徑寸二分馥謂此錢十枚積尺二
去其二寸則尺可準矣

銅弩機尺

余所見弩機四五具皆有尺當今工部尺二寸又半寸
案潘岳射雉賦算分銖商遠近蓋弩開幾分射及若干
步皆準於尺尺盡則引滿矣隋志載十等尺而無弩尺
余謂古尺可憑者惟弩尺及建初尺皆以銅作之歷久
無燥溼盈縮也

銅弩機文

程君

敦

於西安得銅弩機有金錯隸書十二字曰右中

郎將曹稅赤黑間卷鞞臂陸君

繩

剔其金而拓以示余

按弩有稱黃間者史記李廣傳廣身自以大黃射其裨
將裴駟引鄭德曰黃肩弩淵中黃朱之韋昭曰角弩色
黃而體大也小司馬從韋說漢書注服虔曰黃肩弩也
晉灼曰黃肩卽黃間也大黃其大者也張衡南都賦黃
間機張剗劭趙都賦其用器則六弓四弩綠沈黃間潘
岳射雉賦捧黃間以密殼又有稱紫間者陸機七導操
紫間之神機審必中而後射又有稱白間者後漢書班
固傳招白間下黃鵠章懷注云招猶舉也弩有黃間之

名此言白間蓋弓弩之屬本或作白鵬謂鳥也下文云揄文竿

出比目白間與文竿對稱定非謂鳥此云赤黑間者考工記弓人凡相幹

欲赤黑而陽聲當取此義然則稱間備五色矣卷轉臂

者卷正作綦借作拳說文綦纏臂繩也纏毛晉刻本誤作攘玉篇纏收

衣袖漢書李陵傳發連弩射單於張晏曰三十卷共一

臂也又矢盡道窮士張空拳文穎曰拳弓弩拳也小顏

曰拳字與綦同司馬遷傳張空拳李奇曰拳弩弓也小

顏云陵時矢盡故張弩之空弓非是手拳也文選閒居

賦谿子巨黍異綦同機五臣注綦發箭處也李善注言

弩綦雖異而同一機也說文胄司馬法從革作皐此轉

變由從胄又加寸說文𠂔篆文從寸寸法度也亦手也

此加寸之義也胄臂謂臂脊也說文弩弓有臂者釋名

弩其柄曰臂似人臂也謹述所聞以復陸君竝質之程

君

淵玉篇作淵云弓上下曲中考工記夫角之中恒當

弓之畏故書畏作威杜子春云威謂弓淵角之中央

與淵相當大射儀大射正執弓以袂順左右隈注云

隈弓淵也釋名簫附之間曰淵淵宛也言宛曲也馥

案鄉射禮右執簫注云簫弓末也大射儀於弓外見

鏃於附注云附弓把也曲禮右手執簫左手承附注

云簫弭頭也弣把中

銅梁枳

司馬舍人直得銅器形枳圓有兩耳觀者目爲羽觴案漢書音義羽觴作生雀形非此也底有隸書云漢銅梁枳重若干蓋受水稱物之器猶今天平法馬謂之梁者梁卽衡也申子權衡以稱輕重漢書鄒陽傳縣衡天下如淳曰衡猶稱之衡也符子云令衡官枳而量之淮南云橋直植立而不動高誘注橋枳枳上衡也曲禮奉席如橋衡注云橋上枳枳衡上低昂說苑爲機重其前輕其後命曰橋終日漑韭百區不倦周禮職方衡山爾雅

作梁山然則衡也橋也梁也其義同漢有水衡官說文水準也故以水稱物至準也枳卽枳字新唐書禮樂志張文收既定樂復鑄銅律三百六十銅斛二銅秤二銅甌十四馥謂銅甌亦以容水定輕重也淮南云窺面於槃水則圓於枳則橢萬畢術注云枳有耳此器橢有耳故知卽枳也

銅鐸

馬秋藥比部得一銅鐸修六寸三分口狹而橫侈體薄而聲濁馥以爲塔鐸也北史長孫紹遠傳初爲太常創造樂器惟黃鐘不調嘗經韓使君佛寺聞浮圖三層上

鐸鳴雅合宮調取而配奏方始克諧馥案此器非牛領所縣非司馬所執非適人所振故知爲塔鐸也凡塔鐸皆金舌下系木片風搖木則金振故口狹

銅器中有五銖錢

銅器有柄有流蓋沃器也腹中多五銖錢小而薄觸手易碎案北史高恭之傳今錢徒有五銖之文而無二銖之實薄甚榆筴上貫便破置之水上殆欲不沈馥謂此錢似之蓋正光以前物也晉書載記石勒時掘得一鼎中有大錢三十文新唐書謂之座錢此皆墓中物也

古鏡文

古鏡文有太平元年五月丙午字梁與遼同以太平紀年其元年五月皆無丙午世所傳漢銅帶鈎文曰六年五月丙午作西漢惟高帝景帝六年五月有丙午惠帝呂后文帝其六年五月皆無丙午安知出高景之世又一器曰景初元年五月丙午造又二器一曰建初□年五月丙午造一曰永平□年五月丙午造又漢鏡二一曰元興元年五月丙午日一曰永康元年正月丙午日案景初元年五月永康元年正月有丙午其餘漢和帝吳歸命侯晉安帝元興元年五月皆無丙午晉惠帝永康元年正月亦無丙午論衡陽燧五月丙午日中之時

銷煉五石銅鑄以爲器乃能得火搜神記亦云以五月
丙午日中鑄爲陽燧吳喜志林古人鑄刀以五月丙午
取純火精以協其數是則五月丙午治家之吉日良時
也又帶鈎一器無年月但紀丙午異聞集唐天寶中揚
州進水心鏡以五月五日午時於揚子江心鑄之白傳
詩百鍊鏡鎔範非常規宿晨值處靈且奇江心波上舟
中鑄五月五日日午時馥謂五月丙午與五月五日午
時同意是年遇丙午則吳越春秋鑄劍所謂俟天伺地
也若不遇丙午亦取其利市耳薛燭所稱吉日良時雨
師灑道雷公發鼓蛟龍捧爐天帝裝炭太一下觀豈真

有是事耶白傳所稱宿晨相值安得五月五日恰逢日
月合宿之會乎

翼奉曰南方惡行廉貞寅午主之西方喜行寬大巳
酉主之二陽竝行是以王者吉午酉也詩曰吉日庚
午馥案穆天子傳吉日戊午薛燭所稱吉日良時亦
謂午

銅瓦

阮閣學得銅瓦文曰漢朝正殿筆爲銅瓦案晉懷帝永
嘉二年劉淵僭帝號自稱大漢淵死子聰立咸康四年
李雄從弟壽潛立自號曰漢壽死子勢立瓦卽此偽漢

時造其字作楷體有古格故知爲晉時物玉篇爲卽雀字

犢鈕

史記司馬相如自著犢鼻褌韋昭曰今銅印言犢鈕此其類矣馥每見古印鈕大首無角不審何獸今知是犢

銘印

昔人言銘題印璽案秦璽文云受命於天旣壽永昌漢印云申祐慶永福昌宜子孫又云永祐慶長壽康此卽銘也吾邑孔岸堂農部得一銅印文十六字云口子魚印承天德獲休禔永安寧傳無極錢唐黃小松司馬得一銅印文九字云孔少子信印大貴長壽此亦銘也子

魚少子皆表德又備一例

別部司馬印

銅印惟別部司馬極多案續漢志大將軍營五部部有軍司馬一人其別營領屬爲別部司馬

石洛侯印

同年諸城李君仁煜得漢官印於土中黃金龜鈕文曰石洛侯印李君跋云史記王子侯表石洛侯劉敬城陽頃王子元狩元年四月戊寅封漢書世系及始封月日皆合惟以石洛爲原洛劉敬爲劉敢元狩爲元鼎轉寫致異馥以印文證之原字固誤敬敢無考元狩作元鼎

漢表是也本紀元狩元年五月晦爲乙巳四月丁卯立
皇太子以晦日推之則丁卯在四月下旬以丁卯推之
則四月不得有戊寅矣史記誤

史記元狩元年十月乙酉封甘井侯元漢書元鼎元
年七月乙酉封甘井侯光史記元狩元年十月辛卯
封鉞侯成漢書元鼎元年七月辛卯封鉞侯成是則
史記元狩漢書皆改元鼎不但石洛之封也

單祭尊印

古銅印有始樂單祭尊萬歲單祭尊案始樂萬歲皆里
名祭尊鄉官猶祭酒見困學紀聞集韻難囊何切難却
凶惡也周禮方相氏率百隸而時難難或作單通作儺
馥謂單祭尊里中主儺祭者單儺聲相近故鼉從單聲
玉篇颺古文儺

剛卯文云庶疫剛瘳莫我敢當東京賦桃弧棘矢所
發無臬飛磔雨散剛瘳必斃薛注瘳難也言鬼之剛
而難者皆盡死也

少內印

古銅印有曰少內者漢官印也鄭注周禮天官職內云
職內主入也若今之泉所入謂之少內賈疏引王氏漢
官解詁小官嗇夫各擅其職謂倉庫少內嗇夫之屬各

自擅其條理所職主馥案少內與倉庫諸官印皆長而小下吏卑職不得用徑寸方印也

唯字印

古印有曰唯印者又有長年唯遲年唯留年唯少年唯長利唯此乃閒欵印如日年大年大利日利之類又有東虛唯頓丘唯中里唯輸符唯此皆地名

妾字印

紀宗伯云王常集古印譜以四聲編姓氏去聲有妾姓妾乃婦人自稱猶男子印稱臣耳不是姓

廣字印

古印有廣或釋作王廣山按玉篇有曠字印文移山於下耳

玉璽羨字

晉書禮志太和元年洛邑掘地得玉璽文曰天子羨思慈親按羨慕也即孺慕義

武平侯印

李君宏信出示玉印龜鈕文曰武平侯印

平字反案此為

曹魏公所上故印也文選冊魏公九錫文云今更下傳璽其上故傳武平侯印綬李善云既下新傳命上故傳及印綬也又見一銅印平字篆作平與此印平字反書

同信按說文
宵平作平

凌江將軍印

濰縣友人遺以凌江將軍印余別見二鈕凌字並從水
宋書褚叔度傳淡之自假凌江將軍字亦從水而魏書
劉庫仁傳宋書蕭思話傳並作陵通鑑晉王加羅憲陵
江將軍胡身之注云沈約志魏置陵江將軍為四十號
之首言欲陵駕江流以蕩平吳會也通鑑又云秦王堅
以驍騎將軍呂光與凌江將軍姜飛伐西域注云凌江
將軍晉文王所置以授羅憲

驪驤將軍印

余在洛陽得古銅印涂金龜鈕文曰驪驤將軍章德州
封氏有北魏高湛墓誌石刻亦作驪驤六朝文字好增
加偏旁無他義也

主爵印

萊州修城掘得銅印文曰主爵私符案隋書元壽授尚
書主爵侍郎隋志主爵侍郎屬吏部尚書新唐書韋挺
閻立本韋季武張均皆為主爵郎中司馬希象韓休皆
為主爵員外郎蓋隋唐間印也

唐留後印

古銅印長 寸 分廣 寸 分其文單行隸體直書

八字曰右策寧州留後朱記考新唐書兵志永泰元年魚朝恩以神策軍屯苑中分左右廂遂爲天子禁軍非他軍比貞元二年改神策左右廂爲左右神策軍京畿之西多以神策軍鎮之案印文曰右策卽以右神策軍出鎮者也舊唐書地理志武德元年改北地郡爲寧州貞觀元年置都督府案印文曰寧州卽在京畿西北者也通鑑廣德元年以梁崇義爲山南東道節度使留後留後之名始此嗣是有以節度子弟爲留後者有叛將自稱留後者有軍士私立爲留後者亦有朝命卽以留後爲節度使者新唐書兵志自武德至天寶以前道有

大將一人曰總管已而更曰大都督自高宗以後都督帶使持節者始謂之節度使及安祿山反肅宗命李光弼等討之以功起者皆除節度使由是方鎮相望於內地兵驕則逐帥帥強則叛上或父死子握其兵而不肯代或取捨由於士卒往往自擇將吏號爲留後以邀命於朝案印文曰留後卽寧州之都督府也唐時印泥非一色印文曰朱記以別於他色耳其印長而不用篆文蓋非頒於朝乃自造私記也烏呼此一印也盛衰繫之唐之府兵一變而爲神策再變而爲留後方鎮旣強京師已弱然猶有北軍宿衛朝廷所謂左右龍武軍左右

神武軍左右英武軍皆是也及魚朝恩以神策居北軍
右而天子之勢孤矣又以神策鎮邊境而神策之柄重
矣夫所謂留後者果皆受命於朝邪據險恃強自出號
令土地人民甲兵財賦俱非天子所有甚至互相侵擊
朝廷莫能制迨其後神策廢主宦官劫帝方鎮圍王師
昭宗於此時始知誅宦官廢神策而已晚矣吾故曰此
一印也盛衰繫之

周震甲曰新唐書方鎮表肅宗乾元二年以南山平
夏部落叛詔邠寧節度使權移軍於寧州舊唐書宣
帝紀五年春以白敏中爲邠寧節度使六年夏以畢

誠爲邠寧節度使九年春詔還邠州則節度使之在
寧州也始於大中三年終於九年考通鑑七年之間
膺此使者曰張君緒曰白敏中曰畢誠共三人君緒
卽通鑑所稱三年秋取蕭關者也舊書列傳白敏中
由邠寧爲四川節度使畢誠由邠寧移鎮澤潞充昭
義節度使皆不言留後而三人亦非神策軍不審此
印誰所造也馥案元和中王承宗反詔以吐突承璀
爲神策河中等道行營兵馬諸軍招討處置使此亦
以神策掌外兵者也

嶧山碑

通鑑魏主至鄒山見秦始皇石刻使人排而仆之馥案此在野火之前蓋先仆而後焚也

韓勅碑

韓勅碑云復顏氏并官氏邑中繇發以尊孔心按復讀如瀆并復民之復免其賦役也禮記八十一子不從政九十家不從政鄭注復除之又注王制養老云引戶校年當行復除繇釋有樊毅復華下民租田口算碑後漢書光武紀幸南陽復田租一歲父老願賜復十年王良傳詔復其子孫邑中徭役王沈魏書老耄須待養者年九十以上復不事家一人又云譙霸王之邦其復譙租

稅二年魏志杜畿傳舉孝子貞婦順孫復其繇役魏畧顏斐爲京兆聽吏民欲讀書者復其小徭江表傳樂從軍者一身行復除門戶吳志劉繇傳有好佛者聽受道復其他役呂蒙傳與守冢三百家復田五十頃陳武傳初表所受賜復人得二百家潘璋傳賜田宅復客五十家宋書嚴世期傳復其身徭役南史梁武紀詔蘭陵縣修建二陵周回五里內居人賜復終身魏書太宗紀所過復一年田租陳書文帝紀可蠲復丁身夫妻三年於役不幸者復其妻子此碑蓋言復其終身且賜及邑里也繇俗作徭說文作繇隨從也又或作繇史記高祖常

繇咸陽應劭曰繇役也詩民亦勞止箋云繇役煩多漢書宣帝紀流人還歸毋算繇事發謂調發管子大匡篇野為原又多不發朱長春日不發是大徭大役簡少其野多不發之眾樊毅復華下民租田口算碑每被詔書調發無差漢舊儀竹使符出入徵發新序魯君命有司無得徵發單父禮記王制有發則命大司徒教士以車甲注云有發謂有軍師發卒漢書嚴助傳是時征伐四夷開置邊郡軍旅數發兒寬傳後有軍發司馬相如傳徵發巴蜀吏卒千人公孫宏傳北發渠搜顏注北則徵發於渠搜後漢韋彪傳賦發充常調而貪吏割其財續

漢書劉寵為會稽太守若耶溪父老送寵曰他時更發不已民或夜行狗吠竟夕人不得安王沈魏書不得擅興發北史和平二年詔自頃每因發調逼人假貸建德元年詔自今正調以外無妄徵發正始元年詔諸州蠲停徭役不得橫有徵發魏志王脩傳自為營塹不肯應發調英雄記張咨不應調發吳志孫堅傳術蹶踏即調發軍糧孫權傳至於發調者徒以天下未定事以眾濟駱統傳每有徵發羸謹居家重累者先見輸送北史魏宣武紀詔諸州蠲停徭役不得橫有徵發晉陽秋劉弘為荊州刺史每有興發手書與郡國丁寧謹密故莫不

感悅顛倒奔赴宋書沈攸之傳賦斂嚴苦徵發無度晉書何曾傳方今國家大舉新有發調凡此皆發發之事可爲此碑作證者也

碑云遵核禁壹彘釋以核爲柅云音凡木名也皮可爲索又釋禁字引禮器太夫士柅禁馥按核卽柅字玉篇柅几屬也廣韻柅無足尊也核木名可爲箭筈蓋隸體借核爲柅也太平御覽禁一名柅引三禮圖柅長四尺廣二尺四寸深五寸無足漆赤中青雲畫陵茗華飾禁長四尺廣二尺四寸通局足高三寸漆赤中青雲畫陵茗華飾刻鏤其足爲褰帷之形據此

則有足爲禁無足爲柅與玉篇廣韻相合禮器注云柅

斯禁也謂之柅者無足有似於柅或因名云爾

孔疏柅是

輦名故旣夕禮云設柅於東堂下注云柅今之輦也又注特牲云柅之制如今大木輦矣上有四周下無足今大夫斯禁亦無足似木輦之柅故周公制禮或因名此斯禁云柅耳是則遵核禁壹

皆禮器韓君所造者也洪氏知引柅禁而不識核字

蓋疏於借體誤以柅字當之矣碑又云雷洗湯觚爵

鹿相桓凡八器雷罍也罍作雲雷象故借雷字禮器

廟堂之上罍尊在阼釋文云罍音雷潘尼釋奠頌陳

罍洗於阼階之左是也湯觴也說文觶實曰觴又云

觴受三升者謂之觶是也鹿角也韓詩說四升曰角

漢角里先生一作祿亦作鹿鹿角聲相近儀禮主人
洗角禮記舉斝角又云宗廟之祭尊者舉解卑者舉
角是也祖卽俎字皆借體變體也

顧藹吉曰廣雅盥杯也集韻音凡或作盥盥與盥同
音碑或借盥爲盥

潘岳馬汧督誅置壺鐺瓶甌以偵之鐺卽碑之雷士
冠禮尊于房戶之間兩甌有禁注云禁承尊之器也
名之爲禁者因爲酒戒也士昏禮尊于室中北墉下
有禁注云禁所以廢甌者

碑又云四方土仁聞君風燿敬詠其德案土仁卽土
人隸書及古文土土無別說見武氏石闕跋論語其
爲仁之本與後漢書延篤傳作人又觀過斯知仁矣
吳祐傳作人

碑側題名云廬城子婁氏字源不收云字金薤琳瑯
釋作元按元卽卞字魯國有卞縣卞篆作𠂔隸作云
俗作卞徐鉉云𠂔今作扌是也孔宙碑於云時靡借
卞爲變

韓勅後碑

後碑云庫室中郎吾友武君億曰室卽室字宣十四年
左傳屨及於室皇當爲室皇漢書坐堂皇上顏注室無

四壁曰室是也。馥謂隸體從宀之字改從宀者如寧寗
牢寵不可枚舉。論語惡果敢而室者釋文魯讀室爲室
漢書功臣表有清簡侯室中同史記作室中徐廣曰室
一作室

晉書王浚傳及石勒登聽事浚乃走出堂皇

莊十九年左傳鬻拳葬諸夕室亦自殺也而葬於經
皇注云經皇家前闕正義云屨及於室皇劍及於寢
門之外則室皇近於門外當是寢門闕也

孔宙碑

孔宙碑云君諱宙字季將後漢書孔融傳父宙泰山都

尉案晉書琅邪武王佃字子將此與季將義同英雄記
陳留孔佃字公緒別是一人以緒爲字者廣韻佃系也
楚詞九辨恐余壽之弗將王注將長也以將爲字者系
緒綿長之義詩湯孫之將又承系緒義季將本名佃碑
作宙隸體相通玉篇宙或爲佃九州春秋公緒名作胄
又借胄字

此碑篆額非漢法疑後人補刻碑無額者則首行有
標題此碑既有標題又有篆額漢無此例篆作脩體
唐宋人筆也

張遷碑

張遷碑書暨爲旣且或疑後人重書非漢刻馥案古人書石誤則仍之李翁碑時府二字本係題名之首誤接年月作大字於是題名遂無時府二小字北魏高湛墓志痛矣長離誤書離長此在銘詞之末何難改寫而亦仍之旣且亦誤書不復改耳書石者不盡通人難免誤謬故華山碑遣書佐察書銅器款識多出工師之手碑亦傭書所爲與

碑書覽作覽案堯廟碑博覽衆文督郵班碑攬生民之上摻並從臨碑作臨又臨之變也續漢書盜伏於覽下漢書陳遵傳注作覽蓋隸體從監者多變從臨

韓詩外傳覽乎陰陽之交覽本或作臨

雙碑作雙隸喜填滿故以三點補空

城碑作城隸體土旁加點作土又變爲土曾見銅印文睦字土作土繆篆原與隸通

臘正之際曩讀爲蔡蔡叔之蔡旣思章帝詔云春秋重三正慎三微其定律無以十一月十二月報囚止用冬初十月而已然則臘正非行刑時當讀爲際成陽靈臺碑□□之際道小衰沮孔耽神祠碑初魯遭亾新之際

婁壽碑

婁壽碑云徕徕衡門孔彪碑餘暇徕徕徕徕卽栖遲遲
或從尸尸古文夷字漢書揚雄傳徘徊招搖靈遲遲兮
顏注遲音栖遲文夷反宋祁引張揖字詁云遲今遲徐
也說文犀犀遲李翊碑棲遲不就繁陽令楊君碑徕徕
樂志皆犀遲之變也

衡方碑

衡方碑禕隋在公案說文委下云委隨也爾雅釋訓云
委委佗佗美也舍人云禕禕者心之美是舍人本作禕
字

楚相孫叔敖碑

碑云楚都南郢考衛公子郢字子南是古有南郢之稱
矣夢溪筆談云今郢州本謂之北郢亦非古之楚都據
左傳楚成王使鬬宜申爲商公沿漢沂江將入郢王在
渚宮下見之沿漢至於夏口然後沂江則郢當在江上
不在漢上也又在渚宮下見之則渚宮蓋在郢也楚始
都丹陽在今枝江文王遷郢昭王遷都皆在今江陵境
中杜預注左傳云楚國今南郡江陵縣北紀南城也謝
靈運鄴中集詩云南登宛郢城今江陵北十二里有紀
南城卽古之郢都也又謂之南郢馥案寰宇記云荊州
記云昭王十年吳通漳水灌紀南入赤湖進灌郢遂破

楚則是先攻紀南而後破郢也馥謂南郢在紀南之南
杜預謂郢卽紀南未知所據

乙瑛碑

乙瑛置孔廟百石卒史碑云乙君察舉守宅除吏孔子
十九世孫麟廉請置百石卒史一人隸釋以麟廉爲人
名東漢無二名隸釋非是案廉卽察舉官制有廉訪使
漢書多言廉得某情是也

史晨碑

史晨碑云昔在仲尼汁光之精大帝所挺顏母毓靈承
敝遭衰黑不代倉闕流應聘嘆鳳不臻案倉卽蒼省艸

隋書李德林傳孟軻稱仲尼之德過於堯舜著述成帝
者之事弟子備王佐之才黑不代蒼泣麟歎鳳案識書
隋時猶存故所據與碑同

史晨後碑

後碑言孔瀆顏母井瀆卽竇襄三十左傳自墓門之瀆
入釋文瀆徐音豆傳又云乃殺子糾于生竇史記作笙
瀆小宗伯大司樂注四竇卽四瀆今尼山下有石竇俗
稱夫子洞是也東爲顏母山有顏母莊俗呼牟莊古井
在焉又有魯顏莊俗譌魯源韓勅碑稱顏氏聖舅居魯
親里卽此也碑言於昌平亭下立會市今昌平山隔水

與尼山對峙僖二十九年左傳舍于昌衍之上杜注魯縣東南有昌平城疑作亭是也碑言脩通邑中大溝韓勅碑宣抒玄汗以注水流案哀十一年左傳俟於黨氏之溝卽大溝也今爲曲阜南門池武君虛谷謂畔官洪氏誤釋畔官案前碑云飲酒畔官此碑亦當爲官碑作官者隸體官官混淆北海相景君碑陰營陵並作營陵是也

鄭固碑

鄭固碑云先是君大男孟子有楊烏之才七歲而天案法言問神篇育而不苗者吾家之童烏乎九齡而與我

玄文注云童烏子雲之子也九齡而與楊子論玄碑稱楊烏卽童烏宋書范泰傳楊烏豫玄實在弱齡文士傳桓焉坐有客爲詩曰甘羅十二楊烏九齡與碑稱楊烏同今寫子雲姓從手碑從木楊脩稱吾家子雲是子雲姓本木旁也太平御覽三百八十五引劉向疑楊雄別傳楊信

字子烏雄第二子幼而聰慧雄筭玄經不會子烏令作九數而得之又疑易牴羊觸藩彌日不就子烏曰大人何不云荷戟入榛讀此始知烏是字而法言亦稱烏者猶曹孟德稱子建也漢遼西太守趙苞母爲鮮卑所得呼苞曰威豪人各有命何得相顧威豪苞字也通鑑慕

容寶之子會字道通寶謂衆曰道通年少豈可當專征之任孫策母曰公瑾與伯符同年小一月耳魏畧單固繫廷尉見母不仰視母字謂之曰恭夏晉書衛瓘母曰我不能舍仲寶去也隋書皇后忿然曰覲地伐漸不可耐覲地伐房陵王字是父母皆字其子也

桓譚新論楊子雲爲郎居長安素貧比歲亾其兩男哀痛之皆特歸葬於蜀以此困乏雄察達聖道明於死生宜不下季札然而慕怨死子不能以義割恩自令多費而致困乏

南齊書太祖本紀王綯小字童烏

華山廟碑

華山碑云延熹四年宏農太守安國亭侯汝南袁逢又云袁府君會遷京兆尹又云袁府君字周陽汝南汝陽人案後漢書侯覽傳京兆尹袁逢於旅舍閱參車云云崔寔傳寔建寧中病卒太僕袁逢備棺槨葬具靈帝紀光和元年屯騎校尉袁逢爲司空趙壹傳光和元年舉郡上計是時司徒袁逢受計司徒當作司空蓋誤也荀爽傳司空袁逢舉有道不應袁術傳術汝南汝陽人司空逢之子也術謂羣下曰吾家四世公輔章懷注云袁安爲司空子敞及京京子湯湯子逢並爲司空案延熹

四年至光和改元凡十八年逢由太守遷京兆歷太僕校尉而進司空史傳皆有明徵其卒官則執金吾也其亭侯則襲父湯爵也袁安傳湯桓帝初為司空以豫議定策封安國亭侯食邑五百戶次子逢嗣逢字周陽以累世三公子寬厚篤信著稱於時靈帝立逢以太僕豫議增封三百戶後為司空卒於執金吾朝廷以逢嘗為三老特優禮之使五官中郎將持節奉策贈以車騎將軍印綬加號特進諡曰宣文侯此碑前賢著錄皆不及逢余謂建碑者逢也不可畧碑云京兆尹敕監都水掾郭香察書京兆尹即逢是逢立此碑因著其世系官階於篇

華嶠後漢書袁安生蜀郡太守京京子陽太尉陽當依范

書作湯陽四子長子平平弟成並早卒成弟逢逢弟隗

皆為公

王沈魏書袁紹即逢之庶子術異母兄也出後成為

子馥案魏志袁術傳術司空逢子紹之從弟也通鑑

太尉袁湯三子成逢隗成生紹逢生術又云孫策與

袁術書使君五世相承注云安生京京生湯湯生逢

逢生術凡五代是紹術異產甚明王沈誤也

蔡邕有袁逢碑李善文選注引之

碑云武帝思登假之道登假即陟遐韓退之黃陵廟

碑云書曰舜陟方乃死傳謂舜升道南方以死余謂竹書紀年帝王之歿皆曰陟陟升也謂升天也書曰殷禮陟配天言以道終其德協天也書紀舜之歿云陟者與竹書周書同文也其下言方乃死者所以釋陟爲死也

碑辭云資糧品物亦相瑤光案春秋運斗樞北斗七星第七曰瑤光淮南本經訓取焉而不損酌焉而不竭莫知其所由出是謂瑤光瑤光者資糧萬物者也高注瑤光謂北斗杓第七星也居中而運歷指十二辰擿起陰陽以殺生萬物也碑辭實出於此史記天官書斗爲帝車運於中央臨制四鄉分陰陽建四時均五行移節度宅諸紀皆繫於斗此又高注之所本也

唐公房碑

梁州記賀水北賀鄉山有仙人唐公房祠有碑一所廟北有大坑碑文云是其舊宅處公房舉宅登仙故以爲坑焉山有易腸鼠一月三吐易其腸東廣微所謂唐鼠者也博物志唐公房升仙雞犬並去惟以鼠惡不將去鼠悔一月三出腸也馥案續漢郡國志漢中郡褒中注云有唐公防祠神仙傳仙人李八百者欲授唐公房仙

術乃爲作傭客

孟郁堯廟碑

成陽堯廟碑濟陰太守河南偃師孟府君諱郁字敬達後漢靈帝紀熹平六年河南孟馥爲太尉注云字叔達馥案馥郁古今字敬叔形近史譌作叔

石門頌

楊君石門頌遼尋弗前隸釋云尋卽礙字案廣韻尋五漑切引釋典无尋也南史注與礙同陳書永定二年幸大莊嚴寺設無尋大會天嘉四年設無尋大會於太極前殿梁書大同三年幸長干寺設無礙食馥謂尋尋並

當依碑作尋

梁書中大通元年輿駕幸同泰寺設四部無遮大會陳書永定元年詔出佛牙於杜姥宅集四部設無遮大會無遮卽無尋遮尋皆遏止義

楊震張壽二碑

楊震碑長子牧富波侯相案東觀漢記光武封皇考姊子周均爲富波侯張壽碑遷竹邑侯相案彭城靖王子阿奴封竹邑侯

夏承碑

夏承碑藝字從幸案王元賓碑口心藝術張表碑雅藝

攸載孔龢碑經通一藝皆從奎丁魴史晨張壽陳球張
遷景君堯廟諸碑變作圭未有從幸者此蓋重刻譌謬
與約紹同也說文執艸木不生也執當爲藝不生當爲
才生木部櫛或從藝火部藝從藝徐鼎臣謂說文無藝
字當從熱省聲是戴假髯而席武安矣

孔龢碑

孔龢碑云孔子大聖則象乾坤爲漢制作韓勅碑孔子
近聖爲漢定道史晨碑臣伏念孔子乾坤所挺西狩獲
麟爲漢制作許沖表深維五經之妙皆爲漢制班固典
引蓄炎上之烈精蘊孔佐之宏陳論衡程材篇董仲舒

表春秋之義稽合於律無乖異者然則春秋漢之經孔
子制作垂遺於漢春秋說云上覽史記援引古圖推集
天變爲漢帝制法陳敘圖錄解疑論云聖人不空生受
命而制作西狩獲麟知天命去周赤帝方起麟爲周亾
之異漢興之瑞公羊解詁云夫子素按圖錄知庶姓劉
季當代周見薪采者獲麟知爲其出何者麟者木精薪
采者庶人然火之意此赤帝將代周居其位故麟爲薪
采者所執西狩獲之者從東方王於西也東卯西金象
也言獲者兵戈文也漢言姓卯金刀以兵得天下又云
孔子仰推天命俯察時變却觀未來豫解無窮知漢當

繼大亂之后故作撥亂之法以授之馥案碑及諸書出於中候演孔圖視大聖人之大經大法等諸後代術士作為豈不誣哉

班彪王命論是故劉氏承堯之族氏族之世著於春秋班固漢書贊春秋晉史蔡墨有言陶唐氏既衰其後有劉累范氏其後也范氏為晉士師魯文公世出奔秦後歸於晉其處者為劉氏賈逵上言左氏與圖識合明劉氏為堯後因見信用范蔚宗謂賈逵能傳會文致最差貴顯是也

北海相景君碑

景帝碑云守郡益州路遐孿親躬伯隸釋誤為作遜讓案碑借伯為迫漢高帝以柏人為迫人聲相近也王莽傳公深辭讓迫不得已然後受詔碑意亦如此

魏元丕碑

漢涼州刺史魏元丕碑篆額歷城郭敏磐得之案隸釋存五百一十三字今存四百九十五字俗手裝背剪斷

七字包郡德匪倒置一字狀隸釋闕載者七字逝豎類

軌誤釋者二字徂碑云僊去仕晉借僊為遷又云平原

曹甄即程字又云西羌放動餘類未輯拜涼州刺史又云纛戎賓服干戈戢臧按後漢書桓帝紀延熹四年先

零沈氏羌與諸種羌寇并涼二州當煎羌寇武威西羌
傳建寧三年燒當羌奉使貢獻今以紀傳證之於碑元
丕埭官當在延熹以後又案段熲傳熲被徵下獄朝廷
後知爲涼州刺史郭闕所誣詔問其狀事屬延熹四年
碑言訓谷羣寮惟德是與蓋元丕繼闕爲刺史後乃辭
疾家居卒於光和四年也

曹全碑

曹全碑云巴郡胸忍令張納功德敘西嶽華山亭碑雍
勸闕亦作胸忍漢地理志巴郡胸忍縣小顏音劬郡國
志同晉地理志作胸臆後漢書吳漢傳作胸臆徐鉉說

文新附胸字云胸臆蟲名漢中有胸臆縣地下多此蟲
因以爲名从冎旬聲考其義當作潤蠢如順切臆字云
胸臆也尺尹切三國志注引英雄記屯胸臆裴音云上
蠢下如振反戴侗六書故云蚯蚓古謂胸臆又謂曲蟾
蚯蚓曲同聲馥案玉篇冎部無胸臆字其爲俗作無疑
顏戴與碑合徐裴謬也

黃生義府曰地理志巴郡胸忍縣顏音劬郡國志亦
作胸忍惟吳漢傳作胸臆又引十三州志音蠢閩詳
此爲蟲名本方言無臆字其臆從冎旁乃因胸字誤
加耳十三州志音譌後漢注兩存之尙得闕疑之意

徐鉉竟誤作胸字附入說文又誤從孫氏音作胸如
順切腮尺尹切按嘉話錄瓊州地名胸腮胸腮是蚯
蚓也上音屈下音忍據此則蚯蚓乃胸忍之轉音當
以顏注為定審矣

李濟翁資暇集作胸腮李巽巖胸腮辨引杜氏通典
作胸腮音潤蠢皆謬

碑云重親致懽曹景完案東漢多以七言作標榜語
於句中為韻如枯容碎軀有都膚折爪落髮有接骨
問事不休賈長頭達五經紛綸井大春丹五經縱橫
周宣光舉五經無雙許叔重慎厥德仁明郭喬卿賀

關東觥觥郭子橫憲關中大豪戴子高良後進領袖

有裴秀難經伉伉劉太常愷解經不窮戴侍中馮殿

中無雙丁孝公鴻避世牆東王君公德行恂恂邵伯

春訓五經復興魯叔陵平道德彬彬馮仲文豹萬事

不理問伯始天下中庸有胡公廣桴鼓不鳴董少平

宣甌中生塵范史雲釜中生魚范萊蕪丹不畏強禦

陳仲舉九卿直言有陳蕃天下模楷李元禮膺關西

夫子楊伯起震說經鏗鏗楊子行政素車白馬繆文

雅斐洛中雅雅有三嘏劉粹字純嘏宏字洛中英英

荀道明闔殿上成羣許偉君宴天下清苦羊興祖續

仕宦不已執虎子蘇則多伎多能祖孝徵斑能賦能詩

裴讓之禮天下規矩房伯武植因師獲印周仲進福

天下俊秀王叔茂賜以官易富鄧元茂颺德行堂堂

邢子昂顒東市相斫楊阿若西市相斫楊阿若豐論

難僭僭祁聖元關東說詩陳君期器此類不可悉舉

又立三君八俊八顧八及八厨諸名目互相譽揚而

黨禍遂不可救申屠嘉比之處士橫議可謂有識矣

又如講義兩行得中郎明斷無雙有于公不避強禦

有次武京師楚楚袁與祖洛中翩翩祖與袁講書論

易鋒難敵決定嫌疑蘇珍之視表見裏宋世軌入粗

入細李普濟能賦能詩陽休之日下燦爛有裴漢五

經無對有陸义上殿不下有賀雅人中爽爽何子朗

以計代戰一當萬疑然稀言江應元盛德絕倫邠嘉

賓江東獨步王文度學行可師賀德基文質彬彬賀

德仁此皆沿襲東漢之舊習者

李君殘碑

漢故李君之碑篆書有額有穿其文僅存六行闕下段

李君諱昭字伯明其先富波人拜郎中遷雒陽長史換

犍為元初五年卒褚峻金石錄補遺云碑在寶雞縣西

二十里雍正乙卯訪得之再往不見蓋為人所毀馥案

銘辭偁李君自非門生故吏所立其先隸富波後有遷徙故碑在寶雞世人因不見著錄遂疑其偽考漢篆多兼隸體如波作𠂔行作𠂔假使偽作自必謹守偏旁何敢出入漢碑凡於穆於鑠於我並作於此作于我更非偽筆矣

造橋碑

蜀郡屬國辛通達李仲曾造橋碑云荷杜仁又云荷賊曹掾杜仁又云荷吏代誦案荷卽苛蓋稽察之吏都鄉正衛彈碑吏無荷擾之煩亦以荷爲苛

魯峻石壁畫象

魯峻畫象有鈴下有鮮明騎案通鑑庾冰至浙江蘇峻購之甚急吳鈴下卒引冰入船泝流而去又云呂布遣鈴下請紀靈等注云鈴下卒也在鈴閣之下有警至則掣鈴以呼之因以爲名續漢志五百鈴下侍閣門闌部署街里走卒皆有程品多少隨所典領晉書楊方傳初爲郡鈴下威儀程大昌續演繁露云鈴下威儀殆今典客之吏續漢志又云主縣假給辟車鮮明卒又云黃綬武官五百文官辟車又云公以下至二千石騎吏四人皆帶劔槩戟爲前行又云大使車立乘駕駟從伍佰瓌弩十二人辟車四人案鮮明騎謂騎吏辟車謂頭踏孟

子行辟人可也周禮條狼氏掌執鞭以趨避注云若今卒辟車之爲也漢書辛慶忌傳慶忌性好輿馬號爲鮮明成二年左傳辟女子杜注使避君成五年左傳晉侯以傳召伯宗伯宗辟重曰辟傳釋文辟重之辟匹亦反曰辟之辟音避

郭巨石室畫象

郭巨畫象船上人持竿舉鼎繫紉兩耳分牽之一耳脫案藝文類聚引南越書熙安縣山下有神鼎天清水澄則見刺史劉道錫嘗使人繫其耳而牽之耳脫而鼎潛旣而執紉者莫不疾耳蓋尉佗之鼎馥謂此事與畫象

相類但近事不入漢畫武虛谷云水經注周顯王四十二年九鼎淪沒泗淵秦始皇時鼎見於斯水始皇使數千人沒水求之不得所謂鼎伏也亦云系而行之未出龍齒齧斷其系今畫象左旁一龍蜿蜒仰噓其上鼎耳已折與此事合又一石畫車落水中案隱三年左傳齊鄭盟於石門鄭伯之車僨於濟杜注旣盟而遇大風傳紀異也正義云車踣而入濟是風吹墜濟水非常之事馥謂畫者象此事也

孔子見老子畫象

隸續言孔子見老子畫象人物七又言老子車後一人

回首向外今觀石本共九人向外一人之後又有向內
二人乃知洪所見非完本老子後一榜原無字亦非漫
滅宋君葆淳云洪言中間復有一雁非雁也漢畫多以
鳥獸補空如武祠畫象專諸朱明妻孝孫父其上各有
鳥無鹽醜女義漿芊公其上各有獸是也

武祠畫象

武祠畫象標榜云子騫衣寒御車失棹案棹卽筆猶邁
作槳也公羊釋文負筆本又作棹梁書何思澄傳擬莊
周馬棹其文甚工陳書始興王叔陵傳出其典籤親事
仍加鞭棹其字並從木又一標榜魯莊公案孫叔敖碑
莊王置酒以爲樂莊變艸爲山莊又變山爲疒王純碑
徹衣易袂洪氏謂卽裝字

伯瑜泣杖象

黃小松司馬拓寄韓伯瑜泣杖象案隋書梁彥先傳有
滏陽人焦通事親禮闕爲從弟所訟彥先弗之罪將至
州學令觀於孔子廟於時廟中有韓伯瑜母杖不痛哀
母力弱對母悲泣之象通遂感悟旣悲且媿後改過勵
行卒爲善士馥謂圖畫以示觀省此可徵其效矣

伯標榜作柏案漢書人表柏益柏譽柏虎並木旁作
武氏石闕

武氏闕在嘉祥縣武宅山黃小松司馬搜得之按後漢書桓帝紀建和元年正月辛亥朔武斑碑二月辛巳朔此闕三月庚戌朔蓋承二月小月也綏宗名梁官從事有碑開明不詳何名官吳郡府丞見其子榮碑宣張名斑官敦煌長史有碑開明之元子榮之兄也宣張卒於永嘉元年其碑先闕十日立與闕同時起工故闕文牽連及之闕云曹府君察舉孝廉卽碑州郡貪其高賢闕云除敦煌長史卽碑到官之日癘吏士哮虎之怒薄伐云云闕云士女癩傷碑亦云士女悽愴也闕文載金石錄芙蓉誤作云歿隸釋謂開明爲其兄立闕今詳闕文

乃開明兄弟四人爲父立者若爲兄立則始公何以稱孝子乎

闕云士女癩傷又云仕濟陰皆以士爲士史晨奏銘百辟卿士鄭固碑弱冠仕郡吏孔宙碑告困致休亦然蓋古文士士通借盃和鐘以士爲士牧敦以士爲士襄公九年左傳相士因之竹書及世本作士尙書呂刑有邦有士史記作士詩周頌保有厥士卽厥士周禮大司徒其附於刑者歸於士注云或謂歸於圜士呂覽任地篇子能吾士靖而畺浴士乎高誘注士當爲士韓勅碑四方士仁隸釋云卽士人婁壽碑太

常博士又馬江碑仕喪儀宗靈臺碑魚師衛
仕此則以仕爲士矣

漢石經魏三體石經

范氏後漢書以三字石經爲漢刻洪氏隸釋力辨其誤
然襲范說者爲多北史劉芳傳昔漢氏造三字石經於
太學學者文字不正多往質焉此亦以漢爲三字江式
傳左中郎將陳留蔡邕采李斯曹喜之法爲古今雜形
詔於太學立石碑刊載五經題書楷法多是邕書也又
云陳留邯鄲淳又建三字石經於漢碑西其文蔚煥三
體復宣此則以三字屬魏矣

唐書鐘傳傳彭玕嘗募求西京石經厚賜以金揚州
人至相語曰十金易一筆百金償一篇案隸釋所載
漢石經未審卽玕募求者抑玕未之見耶

魏上尊號碑

魏上尊號碑云宜蒙納許以福海內欣戴之望今本隸
釋作福祿之福顏氏匡謬正俗云副貳之副字本爲福
從衣畱聲張平子西京賦仰福帝居東京賦順時服而
設福傳寫譌舛衣轉爲示讀者便呼爲福祿之福失之
遠矣馥案裴松之魏志注載獻帝冊魏王詔曰王其速
陟帝位以順天人之心副朕之大願語意正與碑同漢

隸分韻屋部福字外有從衣之福注云魏臣奏蓋隸釋元從衣寫誤也史記龜策傳邦福重寶徐廣音副尹宙碑位不福德武榮碑爵不副德借副爲福申鑒政體篇好惡毀譽賞罰參相福也亦當從衣廣韻福敷救切衣一福收入屋部者誤

左傳復陶釋文云復音服一音福馥謂福亦當從衣碑云伏讀詔書於邑益甚於邑卽菸悒說文菸鬱也悒不安也故碑又云大夏必鬱邑於會稽之山陰王褒聖主得賢臣頌服絺綌之涼者不苦盛暑之鬱悒張衡思元賦怒鬱悒其難聊楚辭心鬱悒余侘傺又

云長呼吸以於悒太史公報任安書是以獨鬱悒而誰與語續急就篇建號垂統解鬱悒王應麟注昔之鬱結憂悒者今皆紆解也曹植求自試表是以於悒而竊自痛者也詩澤陂傳云悒悒猶悒悒也先鄭注考工記蜎讀爲悒邑之悒吳質荅東阿王書乃質之所以憤積於胸臆懷眷而悒邑者也通鑑殷仲文悒悒不得志又宋廢帝謂左右曰我卽大位以來未嘗戒嚴使人邑邑隋文帝謂侍臣曰我新還京師應開懷歡樂不知何意翻邑然愁苦或作歎喏謝朓辭隋王箋岐路西東或以歎喏

魏王墓碑

武虛谷見魏王基殘碑案後漢書鄭康成傳其門人東萊王基章懷注云基字伯興魏鎮南將軍安樂鄉侯魏志基本傳散騎常侍王肅著諸經傳解及論定朝儀改易鄭元舊說而基據持元義常與抗衡云云初不言爲鄭之門人基卒於景元二年年七十二其生當在初平元年鄭以建安五年卒基時十一歲卽已列鄭門耶晉書景帝紀正元二年帝遣荊州刺史王基進據南頓文帝紀甘露四年夏六月分荊州置二都督王基鎮新野州泰鎮襄陽碑但云遷荊州刺史至與州泰分鎮則未

言及鄭表傳司空王朗辟表爲掾表舉高陽許允扶風魯芝東萊王基朗皆命之咸至大位有重名劉毅傳同郡王基薦毅於公府太常鄭表舉博士此二事又可補碑與本傳之闕

晉孫夫人碑

晉任城太守夫人孫氏之碑隸書在新泰縣宮山之陽額無太守姓據碑夫人在羊氏知爲羊姓碑言父位列卿封亭侯爲吏部尙書案盧毓傳毓爲吏部尙書使毓自選代乃舉阮武孫邕帝於是用邕碑又云舉侍中管寧傳侍中孫邕薦寧馥謂邕歷官與碑同疑爲夫人父

魏文帝典論光和中北海王和平亦好道術自以當仙
濟南孫邕少事之據此知邕爲濟南人碑稱濟南孫氏
是也鮑勛傳帝屯陳留郡界太守孫邕見案碑言父爲
勃海太守不云陳留惟此小異碑稱長沙人桓伯序伯
序卽桓階階序義合故以表德本傳作伯緒張纘南征
賦桓伯緒之匡濟皆借緒字碑云昔臧武仲先犯齊壯
不令與已邑案左傳齊莊公將爲武仲田與之言伐晉
武仲以鼠爲喻遂不與田碑指此事諡法武而不遂曰
莊此莊字寫誤本作壯通鑑北周諡楊敷曰忠壯胡注
引諡法武而不遂曰壯歷考漢之趙充國常惠蜀之關

羽魏之曹休桓階許褚張郃龐德徐晃文聘州泰晉之
胡奮王遜北魏之楊播宋之王鎮惡卜天與劉康祖劉
靈遺梁之王神念裴之橫康絢張齊曹景宗北周之崔
說隋之張定和李崇馮慈明見新唐書唐之劉感王同
皎並諡曰壯是知齊莊當爲齊壯嚴訢碑兆自楚壯謂
莊姓出於楚莊王漢諱莊故改稱壯晉無所諱而碑作
壯自非莊之借字矣

姚萇諡苻堅曰壯烈梁王簪卽皇帝位諡邵陵王綸
曰壯武

晉士弱字莊伯當是壯伯合於退名進字之義檀弓

衛有太史柳莊漢書人表作柳壯

釋文

夫人濟南孫氏之中女也實曰

闕姬其闕姓闕別闕

族遂以為氏父列卿光祿大夫建德亭侯以儒雅稱

世濟其休夫人少有淑質純靜不闕寬仁足以容眾

明敏足以辯物九歲喪母少為父所見慈撫終喪哀

毀坐不易位闕有隱括傅母之訓闕以加焉父時未

闕繼室長沙人桓伯序有寡妻伏氏魏文帝以用妻

之伏氏年少有國色然非所好而顧違尊闕莫之能

定夫人謂父曰何不以嘗同寮辭之父意乃寤文帝

詔報闕曰生敬其人死辭其室追遠敬終違而得道

者也父悅入謂闕曰昔臧武仲先犯齊壯不令與已

邑今我不犯尊而獲優詔同歸殊途闕代伯序為

侍中父為侍郎此為同寮故夫人闕父為勃海太守

十餘年政化大行孤寡闕時夫人見闕家止父令留

而謂之闕而退雖天之道然事君不懟闕能闕為吏

部尚書多闕老成先帝舊臣舉闕忘君闕舉君為侍

中闕過窮闕情為人所異皆此類也夫人在羊氏闕

有闕度承上接下眾皆悅之任城非闕生夫人由此

闕師孝闕之謙勤戰戰臨深此念不闕是以舅姑嘉

其淑婉娣姒闕其德音闕人為婦卅餘載言無口過

闕無怨惡故也闕慈闕下惟詩人刑于之言瞻前闕

率由弗違以御于家邦終始以孝聞闕夫人之闕二

闕子闕期弘將闕幸早亾子孫皆仁厚振振有麟趾

之化皆闕義闕十二月甲申闕嗣子迅哀懷永絕

闕追惟闕十闕歎曰古者鐘鼎闕所以章君之令德也

又有號諡亦闕我先妣闕不朽可沒而無稱哉於是

乃追而闕之辭曰奠乎文母于我夫人潛神內識闕

不彌綸和樂色闕十日新喪難弘多仍羅闕遺

孤辟踊靡及日古闕以告哀闕下並

西門豹碑

西門君之碑頌篆額有陰在彰德府西門豹祠內石已

漫滅無立碑年歲文有使持節驃騎大將軍開府儀同

三司司州牧宗室清河王岳案北齊書文宣紀天保元

年詔封宗室高岳為清河王岳本傳天保初進封清河

郡王尋除使持節驃騎大將軍開府儀同三司司州牧

五年加太保碑不稱太保是在五年以前碑陰題名云

散騎常侍趙郡王州都勃海高闕案高琛封南趙郡公

歿後至天統三年以子獻追贈趙郡王此碑闕處乃獻

名非琛也獻傳云顯祖受禪進封爵為南趙郡王遷散

騎常侍二年出爲定州刺史加撫軍將軍六州大都督
三年加儀同三司碑不言儀同是在三年以前又一行
云彭城縣開國公州都魏元韶案元韶魏孝莊之姪襲
封彭城王天保元年降爵爲縣公以三人歷官考之碑
立於天保二年也史言齊主以旱祈雨於豹祠不應毀
之時爲陳永定二年在立碑以後豈祠毀而碑未仆邪

高湛墓志

同年德州封君大受有北魏高湛志石志云勃海滌人
也滌與脩聲相近周禮司尊彝凡酒脩酌鄭注脩讀如
滌是也郡國志勃海郡脩縣故屬信都地理志信都國

脩縣顏注脩音條周亞夫傳封條侯顏注縣在勃海地

理志作脩字其音同爾

劉衡碑除脩令詩嘆其脩矣釋文云脩本或作脩

功臣

表亞夫紹封脩侯顏注脩讀曰條馥案地理志勃海無
脩縣有脩市縣應邵音條亞夫所封乃脩縣非脩市顏
不稱信都而屬勃海誤矣蓋脩縣至後漢始隸勃海故
此志以滌屬勃海晉書地理志勃海有脩縣元和志云
本漢條縣晉改條爲脩案惟亞夫傳作條功臣表已作
脩字漢蔡湛頌蕭滌而雲消蕭滌卽蕭條也

志稱驪驪將軍驪字從馬余在洛陽得銅印文曰驪
驪將軍章案魏書世祖紀始光二年初造新字千餘

木樓卷八
頌下遠近永爲楷式驪亦新字也

齊鄉党舉孝義碑

泗水縣有大齊鄉党舉孝義碑案姓譜後秦姚弋仲將
賞耐虎吳越春秋甘蜜百党變賞爲党金党懷英書姓
亦作党鄉黨俗亦作党

鄭道昭摩崖二刻

萊州掖縣雲峯山平度天柱山俱有鄭道昭摩崖刻其
父義墓表偁曰文公案通鑑義爲西兗州刺史在州貪
鄙及卒尙書奏諡曰宣詔曰蓋棺定諡激揚清濁故何
曾雖孝良史載其繆醜賈充有勞直士謂之荒公義雖

宿有文業而治闕廉清尙書何乃情違至公愆違明典
諡法博聞多見曰文不勤成名曰靈可贈以本官加諡
曰文靈馥案表但偁文竟削靈字皇皇詔語孰不聞知
豈子孫所能掩飾者哉

小鄭公雲峯山尋舊迹摩崖

北齊光州刺史鄭述祖登雲峯山尋父道昭舊迹賓僚
記其事以隸書刊山光州今萊州雲峯山在城南道昭
先爲光州述祖復臨其地父子有惠政州人歌之曰大
鄭公小鄭公相去五十載風教猶尙同對父故偁小也
碑云述祖魏大鴻臚卿北豫州刺史司空嚴祖之第三

弟仲兄豫州敬祖叔弟光州遵祖季弟北豫州順祖案
魏書鄭羲傳羲子道昭道昭子嚴祖敬祖述祖遵祖順
祖悉與碑合但傳言敬祖著作佐郎不及豫州順祖太
常丞不及北豫州史之闕也碑言隨父時年始十一及
爲光州指雲峯山曰此山是先君所名其中大有舊迹
遂率僚佐同往對碣觀文發聲哽塞臨碑省字興言淚
下次至兩處石詩之所對之號仰哀纏左右悲感傍人
北齊書本傳云初父爲光州於城南小山起齋亭刻石
爲記述祖時年九歲及爲刺史往尋舊迹得一破石有
銘云中岳先生鄭道昭之白雲堂述祖對之嗚咽悲動

羣僚馥嘗登雲峯山見白雲堂舊址在山陰大石板上
惟破石不復見所謂對碣臨碑謂破石也碑又言石詩
年久賓從莫識公曰當是與道俗十餘人論經書者馥
案山有五言詩二石一觀海一論經俱在白雲堂北所
謂兩處石詩也碑又言此處名曰山門左闕上有九仙
之名馥案山有大書三處一曰雲峯山之左闕也一曰
鄭道昭之山門也一曰此山有九仙之名卽碑所云也
碑又言山南卅里有天柱山亦是先君所號山陽先有
碑碣東北一十二里大基山四峯之上鐫記不少馥案
天柱山在平度州有道昭刻其父墓表後復刻於雲峯

山傳先刻爲上碑後刻爲下碑大基山今名道士谷道
昭曾爲道士服來往其間述祖披鹿皮裘從游州人呼
爲道士郎君碑又云雅好琴文本傳傳其能鼓琴自造
龍吟十弄是也碑又云滄瀛冀趙懷克行正得十州刺
史案北史云前後行瀛殷冀滄趙定六州事正除懷克
光三州刺史又重行殷懷趙三州刺史此皆可補本傳
之闕也

釋文

大齊河清三年五月廿四日使持節都督光州諸軍
事闕州大將軍儀同三司光州刺史鄭述祖字恭文

卽魏鎮北將軍祕書監青光相三州刺史文恭公熒

陽道昭之子魏大鴻臚卿北豫州刺史司空

闕嚴祖

之第三弟先君之臨此州也公與仲兄豫州敬祖叔

弟光州遵祖季弟北豫州順祖同至此鎮於時公年

始十一雅好琴文登山臨海未嘗不從常披鹿皮裘

于此州人士呼爲道士郎君及長官歷司徒左長史

再履尙書三爲侍中滄瀛冀趙懷克行正得此十州

刺史公之所撫莫非大蕃言及光部恒所欽羨只爲

前蹤誠所願也便以此夏斯願方遂忻慰登塗若歸

桑梓入境歎曰吾自幼游此至今五十二年昔同至

者今盡零落唯吾一人重得來耳於是悽感殆不自
勝因南眺諸嶺指雲峯山曰此山是先君所名其中
大有舊迹未幾遂率僚佐同往游焉對碣觀文發聲
哽塞臨碑省字興言淚下次至兩處石詩之所對之
號仰彌深彌慟哀纏左右悲感傍人雖復曾閱之誠
詎能過也但石詩年久字皆癯落賓從尋省莫能識
之公乃曰此時吾雖幼小畧嘗記關此當是與道俗
十餘人論經書者遂口持百餘言諸人聞此乃共披
拂從首及末無一訛舛父之方昇于此此處名曰山
門左闕仍仰觀斯峯曰此上應有九仙之名卽遣登

尋果如所說此山正南卅里有天柱山者亦是先君
所號以其孤上千雲傍無嶮巖因以名之其山上之
陽先有碑碣東關石室亦有銘焉從此東北一十二
里大基山中復有雲居館者亦是先君所立其四峯
之上鐫記不少悉有誌錄殊復可觀今因游此關彼
竟異共考關迹永關沒者矣

隨造橋碑

隨開皇六年兗州高平縣石裏村仲思那等四十人造
橋之碑水經注泗水又南徑高平縣故城西洸水注之
案高平故城在今鄒縣南石裏村在縣西南五十里村

札樸卷八
臨白馬河卽洗水此碑爲洗水造橋也碑言漏佛而坎
謂碑首多深刻佛像而卽滿字漏謂佛身彫鑄通透月
令其器疏以達鄭注器疏者刻鏤之象碑又云剋已精
誠汰尸毗之救鴿案洛陽伽藍記惠生西行七日渡大
水至如來爲尸毗王救鴿之處吳越錢忠懿王金涂塢
鏤尸毗王割肉餵鷹救鴿像卽此事也

札樸卷八

山陰 李信

校



